

# *JOSEFA A KOPANA LE BANABABO*

1 . . . ka segalontšu go lekanelo go bolela gannyane nthathana. Gomme ke bile le mogolo wa go baba nako ye teletšana. Gomme—gomme, mosong wo, ke bile go tonya gampe; go lebega o ka re, feelsa nako le nako ge ke etla fase, ka mokgwa wo mongwe, thwi ka moeding wo. Maabane ke be ke bolela le ba bangwe ba baena ge re be re le godimo ntlhoreng ya dithabana ka New Albany, le go lebelela fase ka tsela ye. Ke rile, “Leo ke lebaka, thwi fao.” E no ba kgudi e lekeletše godimo fa, le go bogega go phitswa gohle godimo ga toropokgolo ka moka. Gomme ka pela ge ke etla ka tikologong ye, feelsa ge ke wela fase ka mo, šele e a ya, le a bona, gape, feelsa ka pela ge ke tsena. Oo, ke swanetše go tšea tente le go ya godimo ntlhoreng ya thaba, felotsoko, gomme ke kampe. Gobane, re no ba baeti le basetsebje, go le bjalo, a ga re? “Re nyaka Toropokgolo ye Moagi le Modiri wa yona e lego Modimo.” Seo ke se re se ratago. Bjale re ne tše dingwe . . .

2 Feelsa pele ga tirelo, mosong wo, le pele ga thuto ya sekolo sa Lamorena, re na le go—go gafela masea. Gomme ngwanešu wa ka o na le yo monnyane yo a nyakago go mo gafela go Morena; ngwanešu wa ka, ka nameng. Gomme mohlomongwe, ba bangwe ba ka moka ga lena bomme le botate fa le na le yo monnyane go gafelwa. Bjale, makga a mantši, ka Beibeleng . . .

3 Gomme re bile le dikarogano tše ntši ka dikerekeng, ka lebaka la dithuto tša go fapana godimo ga kolobetšo ya digotlane, le go ya pele. Gomme, bjale, bao ba di tšeago, gomme ba difafatša bakeng sa kolobetšo ya digotlane, yeo e godimo go e ka ba tsela efe o nyakago go e gafela. Eupša, selo ka moka se hlatlogela godimo go selo se tee, go gafela go Morena. Le a bona? Gomme bjale . . .

4 Gobane, lesea, malebana le sebe, ga le na selo. Jesu o hwile go tloša dibe tša lefase. Gomme lesea ga se la dira sebe, feelsa le be le le . . . Ke modiradibe. Le tswetšwe ka sebeng. Eupša ge Kriste a hwile kua Khalibari, O tlošitše dibe tša lefase, gomme lesea ga le na maikarabelo go fihla le eba lebaka la maikarabelo. Gomme lesea e ka ba lefe le lennyane, ga go kgathale batswadi ke badiradibe gakaakang, ka pela ge le ehwa, le ya thwi ka matsogong a Kriste, le a bona, gobane O lefile poreisi. Ga go kgathale ge eba ke lesea le tswetšwe ka sebeng, le ka bootswa goba e ka ba eng le lego, ga go dire phapano le gatee, lesea lela le bolokegile le Kriste gobane O hwile go tloša dibe tša lefase. Gomme ge—ge le gola go lekanelo bjale, gore le dirile sebe sa sebele, gona le swanetše go sokologa go se le se dirilego. Eupša ga le na sebe sa sebele go fihla le godile go lekanelo go dira sebe, go tseba ke sefe se lokilego le sa phošo. Eupša, bjale, ka mehla re

leka go dula feela kgauswi le Beibele go dilo tše, bjalo ka ge re tseba bjang.

<sup>5</sup> Bjale, ga go na Lengwalo ka Beibeleng, go gofafatša masea. Selo se nnoši se re se hwetšago... Goba, ga go kolobetšo ya digotlane ka Beibeleng, ka sebopego le se itšego. Lefelo le nnoši re ka hwetšago, leo le ngwadilwego fa ka Mangwalong, leo Je-... . “Ba tlišitše go Jesu bana ba bannyane, gomme O ba tšeetše godimo ka matsogong a Gagwe gomme a ba šegofatša, gomme o rile, ‘Lesang bana ba bannyane go tla go Nna, gomme le se ke la ba thibela, gobane Mmušo wa Legodimo ke wa ba babjalo.”

<sup>6</sup> Bjale, seo, bjale, bjalo ka ge A ile go Modimo, gomme a dula ka seatleng se setona, lehono, ka mmeleng wa Gagwe wa nama, le godimo ga Terone ya Modimo. Gomme O romile Kereke ya Gagwe go ya ka go lefase lohle le go tšwetšapele mediro ye A e thomilego mo ge A be a le mo lefaseng, ke gore, go rera Ebangedi, go fodiša balwetši, le go gafela bana, le go ya pele. Kagona, baratwa ba kgopetšwe go tliša ba bannyane ba bona go Morena, ka go ba fa modiša wa bona, ka matsogong a gagwe. Gomme o a ba tsoša, ka tumelo, go Kriste, le go kgopela Kriste go ba šegofatša.

<sup>7</sup> Gomme, kafao, ge o na le yo monnyane yo—yo o sego wa mo gafela go Morena, gomme le tla nyaka go mo tliša ge kgaetšedi wa rena a bapala piano, *Ba Tlišeng Ka Gare*, gomme re ka kgonia go e opela. Ke ba bakae ba tsebago pina ya kgale, *Ba Tlišeng Ka Gare?* Gomme seo se lokile. Bjale, Mna. le Mdi. Henry Branham ba tla tliša yo monnyane wa bona. Gomme e ka ba mang wa ka moka yo a nago le ba bangwe ba nyakago go ba tliša, gabotse, ba tliše thwi godimo ka nako ye bjale bakeng sa go gafela. Go lokile.

Ba tlišeng ka gare, ba tlišeng ka gare,  
Ba tlišeng ka gare go tšwa mabaleng a sebe;  
Ba tlišeng ka gare, ba tlišeng ka gare, (...?...)

<sup>8</sup> Ke nyaka go le laetša Branham yo mongwe yo monnyane, Mary Ella Branham yo monnyane. Ke morwedi wa ngwanešu wa ka le mosadimogatša morategi wa gagwe. Gore, ba tlile pele mosong wo, ka kerekeng, go neela moisa yo monnyane, bophelo, morago go Modimo, Yo a ba filego lona.

Bjale re ka inamiša dihlogo tša rena feela nakwana.

<sup>9</sup> Tate wa rena wa Magodimong wa go loka, bjalo ka ge a eme mo pele ga ka lehono, ngwanešu wa ka mong ka nameng, le monyalwa wa gagwe, mosadimogatša wa gagwe. Gomme Wena o šegofaditše magae a bona bjalo ka Maria Ella yo monnyane yo, go ba fa thabo matšatšing ao a lego pele ga bona. Ke a Go leboga bakeng sa go gopola ga bona moo lesea le tšwago gona, le go le tliša lehono go kerekeng, gore ba ke ba le neele morago go Wena. Gomme bjale ke fa lesea go Wena, ka matsogong a tumelo, le go Go kgopela go šegofatša yo monnyane yo ke mo swerego.

Gomme a nke le phele le go gola. Gomme ge Jesu a diega, a nke e be mohlanka wa Gago, go hlankela Wena.

<sup>10</sup> Šegofatša tate le mme wa lona. Gomme, Modimo, efa gore Moya wo Mokgethwa wa Gago o tla ba etapele go kgabola leeto la bophelo. Gomme ka go letšatši le lengwe, ge leeto le la lefase le tla goma, a nke lapa le legolo lohle le kgobokane mmogo ka Letagong. E fe, Morena. Go fihla nako yeo, a nke ngwana a gole le go šegofatša ke Modimo, a phelege le go tia, le go ba mohlala wa bosadi mo matšatšing a lona a tlago. Gomme re tla Go fa tumišo. Ka gore re neela lesea go Wena bjale, Leineng la Jesu Kriste, Morwa wa Gago. Amene.

<sup>11</sup> Gomme ke le neela morago go wena. Modimo a go šegofatše. Morena a go šegofatše. Go lokile.

Megopolo ye bohlokwa, ka fao e dikadikago,  
Rometšwe go tšwa felotsoko go ya soulong ya  
ka;  
Ge e dikadika, ka mehla e le kgauswi le nna,  
A bohlokwa, mafelotiragalo a makgethwa a  
tatologa.

<sup>12</sup> Re tumiša Morena morategi wa rena bjang bakeng sa bohole ba bannyane! Le a tseba, go no bonala go tlabaka fao re kilego ra ba ba bannyane ka mokgwa wola. Gomme fao go na le selo se sengwe ka lesea le le sa nyakegago go ikhola, le a lebalela le botho kudu. Le Morena wa rena o swantšha go bona, gomme o rile, “Ntle le ge le sokologile le go ba bjalo ka yo motee wa ba bannyane ba,” ga bonolo kudu.

<sup>13</sup> Ke hlokomela Joseph wa ka yo monnyane, ka fao a no go ba lebaka go ba ka go se sengwe le se sengwe, gomme mme o tla no swanelo go mo phošolla. Gomme o tla goga lebone go tloga, goba e ka ba eng gape, go no kwa le itia lebato. Gomme ka gona ge mme a ka direga go mo phasola, goba se sengwe, o tla namela thwi godimo ka matsogong a gagwe le go bea matsogo a gagwe go mo dikologa ka mokgwa woo.

<sup>14</sup> Re swanetše go lebalelwa, mongwe go yo mongwe, bjalo ka bana ba bannyane ba, go tsena ka Mmušong.

<sup>15</sup> Bjale, re leboga Modimo bakeng sa lesea le lennyane le, Maria Ella Branham yo monnyane. Gomme a nke le phele, gomme le gole le go atlega, gomme le be mohlanka wa Morena. Gomme a nke legae le le godišetšwago le be legae la Bokriste, gomme gore le kgone go tla godimo ka go kganyogo ya Kriste.

<sup>16</sup> Gomme bjale re... (Ke a go leboga, Kgaetšedi Gertie.) Gomme bjale ba bannyane ba tšere maemo a bona ka kamoreng bakeng sa diklase tša sekolo sa Lamorena.

<sup>17</sup> Gomme modiša o—o dirile ditsebišo tša moo ditirelo di tla bago lehono, le gosasa, gosasa bošego. Morago ga sekgalela se, ba tla... bokgole bjo ke tsebago, ga go na ditirelo di butšwego, ntle

le ge e ka ba tše dingwe tša boromiwa bjo bonnyane ka Louisville, bjo re tlwaelanego le bjona, Ngwanešu wa rena Durban le bontši bja bona. Ke nagana ba ne tirelo ya Lamorena morago ga sekgalela.

<sup>18</sup> Ke na le dipitšo tše ntši. Batho ba bantši ba ka dikgolegong, le go ya pele, go rapelelwa, bao ba babjago le go tlaišwa.

<sup>19</sup> Ditirelo tša ka tša go latela di tla ba ka Cleveland, Tennessee, go thoma Labohlano la go latela bošego, Labohlano go kgabola Lamorena.

<sup>20</sup> Gomme ka gona re tla gae thwi, gomme re ya South Bend, Indiana, gomme lebaka la mašego a mabedi kua ka go gafela tempele; Ngwanešu R. E. S. Toms go tšwa Saskatoon, Saskatchewan.

<sup>21</sup> Gomme ka gona, go tloga fao, re ya Sturgis, Michigan, lebaka la mašego a mabedi a tirelo ka Sturgis, Michigan.

<sup>22</sup> Gomme morago go ya godimo Lima, Ohio, go batho ba Baptist, ka go Otithoriamo ya Segopotšo ka—ka Lima, Ohio. Yeo e thoma ka Janaware masomepedi tharo, go kgabola masomepedi šupa.

<sup>23</sup> Gomme morago, go tloga fao, re ya godimo Lebopong la Bodikela nako yeo, go dikopano tše kgolo ka California le Arizona. Ebang thapelong bakeng sa rena. Gosasa . . .

<sup>24</sup> Bošegong bjo, ka seripagare sa bošupa, e tla ba ditirelo tša boebangedi mo ka tabarenekeleng, gomme yo mongwe le yo mongwe o memilwe.

<sup>25</sup> Gomme gosasa bošego, ke swanetše go . . . Ke ya go bolelela Ngwanešu Cauble, go tirelo ya gagwe—ya gagwe ya bošegogare. Ke tla ba . . . Karolo ya ka e thoma ka senyane, go fihla e ka ba ka masometharo go tšwa go senyane.

<sup>26</sup> Gona ke tla bowa morago go tabarenekele fa, moo kopano e tla bego e šetše e kgatlampana, le badiša ba ba etilego le badiredi ba ba tlago go ba mo, go ba le karolo ka go tirelo ya gosasa bošego. Ge bohole le rata go kwa badiša ba bolela le go hlagiša ditsela tša bona tša go le botša mokgwa wa go thoma ngwaga wo moswa, le se le swanetše go se dira, gabaneng, go tšwa go leemo la Lengwalo, gabaneng, ebang le nnete go ba mo gosasa bošego. Ditirelo di thoma ka masometharo a šupa, bjalo ka mehleng, ka masometharo a šupa. Gomme di tla tšwelapele go fihla bošegogare, Lamorena bošego, gomme morago . . . goba, Mošupologo bošego, a ke re. Ka gona, morago ga iri ya senyane, morago ga ge ke feditše le Ngwanešu Cauble, ke tla ba thwi go otloga morago godimo mo ka tabarenekeleng, go thoma, gomme mohlomongwe, mohlomongwe, go fetša theroye ke dumago go e thoma mosong wo. Goba, ke . . . mokgwa wa go ntšea nako ye telele.

<sup>27</sup> Ke a nokologa, le a tseba, eupša ke rata Lona go ya fase go mohuta wa maleba wa motheo. Kafao, ga go tlhonego go no Le phatlalatša kae kapa kae. Ke nyaka Le robale fao, le go gola le go atlega go Morena.

<sup>28</sup> Bjale, go na le mo—mo modiredi mo mosong wo, modiredi yo moswa yo a swanetšego go ba, ke a nagana, ka go Bel Air Motel. Ke swanetše go mmona ka ya bobedi go ya go ya boraro, morago ga sekgalela se. Gomme, goba, a o ka gare, go le bjalo? Bjalo ka ge, ke lebala se leina la ngwanešu le lego. O tšwa tlase ka Tennessee. O fodišitšwe mokokotlo wo o robegilego, ka kopanong ya ka, le go tsena bodireding. Ngwanešu yo, *fale*. Go lokile. Go kaone. Yeo ke go . . . Yeo e tšwa . . . A e bile ya bobedi go ya go ya boraro, a e bile? Ke . . . [Ngwanešu o re, “Ya boraro.”—Mor.] Ya boraro; ya boraro go ya go ya bone. Go lokile.

<sup>29</sup> Gomme ka gona go na le modiredi yo mongwe, ga ke tsebe ge eba o mo le bjale goba aowa. O tšwa godimodimo ka leboa la British Columbia. Letšatši le lengwe, ge ke be ke leka go tlema morwalo tsoko, go dipere tše dingwe, ke a thanka, goba se sengwe; ke be ke na le maledu a ka ba botelele *bjoo*, ke be ke le morago leetong la go tsoma; mengwaga ye mmalwa ya go feta. Monna o sepeletše godimo gomme a re, “A ga o Ngwanešu Branham?”

<sup>30</sup> Ke kopane le mohumagadi yo moswa lebenkeleng, o rile ga se a ke a tsoge a bona mos- . . . goba—goba ga se a ke a tsoge a bona toropokgolo, toropokgolo ye kgolo. Gomme ke a thanka o be a le dimaele tše makgolo a mane goba a mahlano go tloga toropongkgolo, mohlomongwe bontši go feta fao, makgolo a dimaele go tloga go tsela ye boima, ka go toropokgolo ye nnyane e bitšwago East Pines. Ke a nagana go na le lebenkele le tee fao. Moragorago ka kua, banyalani ba ba sepelela godimo.

<sup>31</sup> Gomme ba tseleng ya bona go ya Cuba. Ke a makala ge eba ba fa mosong wo, ya, go tloga leboa la British Columbia? Thwi *fa*. Gabotse, šegofatša pelo ya gago, ngwanešu. Re thakgetše go ba le wena le mosadimogatša wa gago, baromiwa, go yeng go kgabola. Ba mpiditše, mosong wo, ba dira—go tšwa Star Motel. Morena a le šegofatše. Ke a tseba gore baena bohle ba rena ba tla theba go šikinya diatla tša bona. Gomme monna yoo, ka seswantšho, o kgonne go ntemoga ka ditedu tsela tšohle godimo, o ne tlhatho ye botse. Ye kaone kudu.

<sup>32</sup> Gomme ba be ba le bogale kudu, tsela godimo ka kua moo go sego batho, le gannyane, tsela godimo ka East Pines. Gomme go tla ba, go ya go ba thata go bolela ka fao batho ba sego nene ba lego go kgabola naga yela, eupša, go le bjalo, ba be ba le godimo kua bjalo ka baromiwa, ba leka go dira se sengwe bakeng sa letago la Modimo. Ka kgonthe ke a ba thabela ka pelo ya ka yohle. Ke a tseba bohle le rata go šikinya diatla tša bona le go kwa ka naga ye kgolo ya leboabodikela. Gomme, bjale, gona . . .

<sup>33</sup> Ke a dumela mmago Mdi. Roberson o sa babja kudu. Ke swanetše go mmona morago ga sekglela se, le go elelwa go mo rapelela. Yeo e tla ba . . . Gomme ka gona, Morena ge a rata, ke tla ba morago mo gape ka seripagare sa bošupa bošegong bjo. Ke a nagana ba ga McSpaddin ba morago kua, ge re eya mateneng le bona e ka ba ka iri ya boselela, le go re fa nako go ya morago.

<sup>34</sup> Gomme ka gona re nyaka go etela Mdi. Burns. A Ngwanešu Burns o ka gare, mosong wo? A o mo? Ee. Ga se ka go bona, Ngwanešu Burns, o dutše. Kgaetšedi Burns o babja kudu, o babja kudu.

<sup>35</sup> Gomme ke be ke le ka godimo mantšiboa a mangwe, go mmona, gomme o babja kudu. Gomme ke yena soulo ya mogale. Gomme re nyaka yo mongwe le yo mongwe go swarelela kgafetšakgafetša go Modimo, ka gore, go e hlagiša go tšwa ka mokgwa wo, go se tsebe ke mang a bego a tla ba mo; eupša go tla tšea mohlolo wa Modimo go tliša Kgaetšedi Burns morago go kereke gape. Yeo ke nnete.

<sup>36</sup> Ge, monnamogatša wa gagwe wa go ratega o sa tšwa bookelong godimo kua, ka Bookelong bja Mahlwadibona, ka kankere, a ahlotšwe go hwa, gomme Modimo o mo fodišitše. Gomme šo yena, morago ka kerekeng, gomme ka pholo ye botse kudu gape ka mo go ka letelwago ka go mohuta wo wa nako. Gomme ge Morena a mo fodišitše ka lebete le legolo la go ruruga, le kankere ka go lona, selo sa go swana, mengwaga le mengwaga ya go feta.

<sup>37</sup> Gomme ke elelwa yona nako, ge Ngwanešu Wood a dutše fale. Ke be ke le maikhutšong a mannyane. Re be re le ntle ka dikgweng, re tsoma dihlorana, gomme Sengwe se rile go nna, "Eya gae." Ke ile gae. Gomme gobaneng ke swanetše go ya Louisville, nka se tsoge ka tseba. Gomme Ngwanešu Wood, o rotogile go dikologa Louisville, a otela poloko ya go fošagala, go dikologa, go dikologa, go leka go ntšea. Gomme Modimo o be a ntshwere sekhutlong, ke letile Kgaetšedi Burns go tla go mpotša. Gomme e be e le yena, mosadi yola wa mogale, yo a ttilego a mpotša monnamogatša wa gagwe o be a ehwa kua ka sepettele, ge re ile kua gomme re rapetše.

<sup>38</sup> Gomme o ile tlase, gomme o tšere seswantšho sela, sela Morena a tšerego seswantšho sa Gagwe, Pilara ya Mollo . . . Lena bohole le se bone, ke a nagana. Se dutše fase lebatong. Gomme o rile, "Morategi Modimo wa Legodimo," o rile, "nthuše go hwetša Ngwanešu Branham gatee. Ke swanetše go e dira." Gomme a re, "Morongwa wa Modimo, ntlhahlele go yena." Seo ke se se se tšeago. Gomme o phagamela godimo, le go ya toropong, go lefa tefo ya ditirelo, gomme o ile a hlahlwa ka go tlaba go dikologa khona ye nngwe. Gomme Modimo o nthometše go tšwa dikgweng, go ya Louisville, le go ntshwara khoneng lebaka la seripa sa iri, ke bogetše Ngwanešu Wood a retologela khoneng

ya go fošagala nako yohle godimo kua, a leka go ntšea, o be a le. Le a bona?

<sup>39</sup> Bjale, re a tseba gore Modimo o tseba mo morwedi wa Gagwe yo monnyane a robetšego godimo kua, gomme A ka no ba a go letile go rapela thapelo ya tumelo. Re tla dira tšohle re kgonago.

<sup>40</sup> Selo se sengwe re nyakago go se bolela mosong wo, e sego feela hlogo ya go inama, eupša dipelo, go yo mongwe wa banna ba go botega kudukudu bao ke...yo mongwe wa bona, yoo nkilego ka kopana le yena bophelong bja ka, ke wa rena Ngwaneshu Higginbotham. Wa gagwe...Kgaetšedi wa rena wa go ratega o ile go ba le Morena Jesu. Lesole la mogale la Modimo; ke makga a makae ke mmonego a etla aletareng! Tlhologelo ya gagwe e be e le, ka mehla, go fihla go mothalo wo wa thapelo, moo Moya wo Mokgethwa o bego o tla mmotša se e bego e le bothata. O be a hlogetše go e dira. Gomme o sepetsé makga a makae go kgabaganya sefala se mo, go leka go hwetša ge eba go hlatha go tla—go tla tla. Gomme ka go dikopano tše dingwe le mafelo a go fapano o lekile, eupša gabonolo go no se tle, ka mokgwa wo mongwe.

<sup>41</sup> Gomme ka gona, dibeke di se kae tša go feta, ke sepelela ka bookelong tlase kua, ge ke kwele o be a babja, gomme go be go le thari mo mantšiboeng. Gomme ge ke ile ka bookelong gomme ka dula fase kgauswi le yena, fao Moya wo Mokgethwa wa theoga; le go ya thwi morago ka bophelong le go tliša se sengwe le se sengwe godimo, le go se bea thwi tlwa moo bothata bo bego bo le. Eupša, selo sa go makatša e bile, Kgaetšedi Higginbotham eibile o be a sa kganyoge go dula mo botelele e ka ba bofe. O be a nyaka go ya pele. Go be go le Sengwe se mmitša. O arabile pitšo yela letšatši le lengwe go ya go ba le Modimo. Gomme ka mehla ke tla elelwa seo. Ya. [Lefelo la go se be le selo godimo ga theipi—Mor.]

<sup>42</sup> Ga go makatše o ikwela gampe ge o etla ka toropongkgolo; e ganne Ebangedi. Seo ke se e lego taba. Gomme o senyegile. Mafula a '37 a ka se be selo, go fihla se se fedile. Eupša, ee, e ahlotšwe, ka go felela. Gomme ke ka lebaka leo mongwalo wa seatla o lego lebotong.

<sup>43</sup> Gomme, bjale, go befile kudu. Gomme re beng ba phahlo, dilo mmogo mo, eupša ke kwele letšatši le lengwe gore ba bangwe ba baena ba rena ba swere thekethe bakeng sa go phaka eibile mo ntlheng ya lebala la kereke fale. Kgobogo ye bjalo! Ke tla lefela thekethe yela ge o ka no ntira ke tsebe e be e le eng. Yeo ke kwelobohloko. Ee, mohlomphegi. Gabotse, rena, se, ke a nagana ge...ke a nagana re sa le beng ba leo. Bonnyane, tokelobodulo e bolela bjalo. Gogela thwi godimo go se fa, gomme mohlomongwe o ka se hwetše thekethe godimo fale. Eupša ke thakgetše re lebile go lefelo moo ba sa otlelego dithekethe. A ga le? Yeo ke nnete. Go a makatša. Ee, ka nnete. Bjale, ga ke...

<sup>44</sup> Ke no ya go leka go bolela lebakana le lennyane, mosong wo, gobane ke bile go tonya ga hlogo ka kgonthe, le go ema godimo. Gomme—gomme ke nyaka go tsea thuto go tswa go Testamente ya Kgale, le go no ruta lebakana, Morena ge a rata. Gomme ka gona mohlomongwe, bosegong bjo, ge go etla morago, Morena ge a rata, go tla morago ka nako, gomme e sego go lapa kudu.

<sup>45</sup> Oo, ke nno direga go nagana, le nna. Ngwanešu Kelly a dutšego fa, le Kgaetšedi Kelly, ke go tla godimo, thwi go... O tla ka pela ka mo o kgonago, ka morago ga matena, ka gobane ka kgonthe ke nno sepelela ntle morago ga sekgalela se, le dilo tše dintši, Ngwanešu Kelly. Ke elelwa bošego bjo bongwe, godimo kua, ke be ke tloga ka pitšo ge bohole le etla ka gare. Go lokile. [Kgaetšedi o re, “A o ka tla, Ngwanešu Branham?”—Mor.] Bjale, seo—seo se lokile, kgadi.

<sup>46</sup> Bjale, gona, nthapedišeng, le go rapediša... diphetho tša ka, tša Morena, di tla ba—di tla ba bakeng sa Gagwe, bokaonekaone bjoo ke kgonago.

<sup>47</sup> Bjale, re nyaka go phetla godimo ka go Puku ya kgale, ya kgale, ya mafelelo... Puku ya pele, Genesi 35, gomme re rata go bala feela karolo ye nnyane ya Mangwalo fa go tswa go Puku ya Genesi. Gomme re a rapela gore Modimo o tla oketša ka go huma ditšhegofatšo tša Gagwe bjalo ka bokamorago bja se sengwe re dumago go se ruta.

<sup>48</sup> Gomme ke ba bakae ba ratago sekolo sa Lamorena? Oo, yeo ke... Ke ba bakae ba tsebago moo la mathomo se hlologilego? Ga ke bone seatla. Ke mohuta wa... Ke ba bakae ba tsebago se be se bitšwa eng pele? O kae mosadimogatša wa ka? O swanetše go tseba seo. Go lokile. E be e le...

<sup>49</sup> [Ngwanešu Neville o re, “Ngwanešu Branham?”—Mor.] Ya? [“Mišene... Moromiwa yo mongwe fa mosong wo.”] Moromiwa yo mongwe. Modimo a go šegofatše. [“Ngwanešu Naber.”] Ngwanešu mang? [“Ngwanešu Naber.”] Ngwanešu Naber, o kae? A o ka emiša seatla sa gago, Ngwanešu Naber? Modimo a go šegofatše, ngwanešu. A ke mosadimogatša wa gago le wena? Seo se kaone kudu. Re thakgetše go ba le wena le lapa la gago le rena mosong wo. O a tseba o ka go thato ya Modimo. Le a bona? O swanetše go ba, ge o le moromiwa, le a bona. Ka baka la gore, ditaelo kakaretšo ke, “Eyang ka lefaseng lohle gomme le rere Ebangedi go sebopiwa se sengwe le se sengwe.”

<sup>50</sup> Monna yo e lego moromiwa! Bjale, ga ke—ga ke tshwenyegé kudu... *Moromiwa* ke lentšu le lekaone kudu, eupša ke na le lentšu le lekaonana bakeng sa lona. Wena o moapostola. Le a bona? Yeo ke nnete. Bjale, lentšu *moapostola* le ra eng? “Yo a romilwego.” Na lentšu *moromiwa* le ra eng? “Yena yo a romilwego.” Ke selo se se swanago. Kafao, baromiwa, baprofeta, baebangedi, barutiši, le badiša, ba dira Kereke. A yeo ke nnete? Baapostola, baprofeta... ba a bitša. Kafao, ge feela o le

moromiwa, goba moapostola, ke wena o ronngwego ke Modimo, go morero, gomme ka mehla o nepile. Modimo a le šegofatše, ke thapelo ya ka—ya ka.

<sup>51</sup> Ngwanešu le Kgaetšedi Foss o tseleng ya bona go ya Cuba, go ya mašemong. Go ya go tšwa dileteng tše di gahlilego tša leboa, go ya go dikgwa tša tropiki tša borwa, ka gore Ebangedi ye e swanetše go rerwa lefaseng lohle. Amene. A phetogo!

<sup>52</sup> O tšwa kae, ngwanešu? [Ngwanešu o re, “Ke ya Israele bjale, ngwanešu.”—Mor.] O ya Israele.

<sup>53</sup> Oo, ke tla rata . . . Ke bona Mabel a dutše morago kua, ke tla bitša mosadimogatša wa ka le Mabel, go go opelela:

Ba tšwa Bohlabela le Bodikela,  
 Ba tšwa naga di kgole,  
 Go keteka le Kgoši, go ja wa moeng wa Gagwe;  
 Baeti ba ba šegofatše bjang!  
 Ba bona sefahlego sa Gagwe sa ntikodiko,  
 Se benya ka Seetša Sekgethwa;  
 Bašegofatšwa batšeakarolo ba mogau wa  
 Gagwe,  
 Go kganya wa mabje bohlokwa koroneng ya  
 Gagwe.

<sup>54</sup> A go ka se makatše ka letšatši leo! Amene. Morena a le šegofatše, go Israele; le lena, go lefelo le le yago; ke ditšhegofatšo tša ka go lena baena mosong wo. Amene.

<sup>55</sup> Bjale, pele re bula Beibebe . . . Re a tseba gore se ke sehlogo, gomme Modimo o ne kgwekgwe e ngwadilwe magareng ga methaladi, le a bona. Kafao, re ka no bala sehlogo le go dumelela Modimo go re fa kgwekgwe. Kafao a re inamišeng dihlogo tša rena feela nakwana, bakeng sa thapelo.

<sup>56</sup> Tate wa rena wa Magodimong, Leineng la Morena Jesu, re rapela gore O tše Mantšu a ao re tla a balago bjale, le go A roba thwi ka dipelong tša rena. Gomme a re tleng ka boleta, ka go homola, ka go kokobela, ka go Bogona bja Gago. Gomme a nke Moya wo Mokgethwa o tše Lentšu la Modimo le go fepa pelo ye nngwe le ye nngwe. Go akaretša ya ka fao, a O tla dira, Morena? Ka gore ke e kgopela Leineng la Kriste. Amene.

<sup>57</sup> Go lokile, re tla bala feela temana goba tše pedi, fa, gore re kgone go hwetša feela bokamorago bjo bonnyane. Genesi ke tema ya peu, re a tseba. Go lokile. Re tla thoma ka temana ya 15.

*Gomme monna tsoko o mo hweditše, . . . bonang, o be a  
 nenera ka tšhemong: gomme monna o mmotšišitše, a re,  
 O nyaka eng?*

*Gomme o rile, ke nyaka baena ba ka: mpotše, ke a go  
 rapela, . . . ba fudiša dihuswane tša bona.*

*Gomme monna—gomme monna o rile, Ba tlogile fao;  
 gobane ke ba kwele ba re, A re yeng Dothane. Gomme*

*Josefa o ile ka morago ga baena ba gagwe, gomme o ba  
hweditše ka Dothane.*

*Gomme ge ba mmone kgojana, ebile le pele a etla  
kgauswi le bona, ka yona . . . yena go mmolaya.*

*Gomme ba boletše yo motee go yo mongwe, Bonang,  
molori šo o atla.*

<sup>58</sup> Gomme a nke Morena a fe ditšhegofatšo tša Gagwe go Lentšu la Gagwe. Bjale, Genesi ka mehla ke, go nna . . .

<sup>59</sup> A ke le boditše gore e be e le tema efe? Ke Genesi. Ke a dumela, ge ke bone, Genesi 37, gomme go thoma ka temana ya 15, le lena bao le e marakago. Bjale re . . . ke a dumela ke rile 35, nakwana ya go feta. Ke bile le matlakala a mabedi mmogo. Ke—ke maswabi. Beibele ye nnyane ye ya kgale ya Scofield, gomme go mohuta wo mothata go nna go bala, gobane ke fetile masomenne, le a tseba. Gomme nna . . .

<sup>60</sup> Ba mpotša gore ke swanetše go ba le digalase tsoko tša go bala. Ke ile le go dira mahlo a ka a lekolwe, ge ke fihlile bjalo ke ile ka swanela go tšwelapele ke kgoromeletša Beibele ya ka kgole go tloga go nna. Gomme ngaka o mpotša letsogo la ka le ka se be botelele go lekanela, morago ga lebakana, go le bušetsa morago. Gomme ke swanetše go . . . O rile ke hloka digalase tsoko tša go bala. Ke hlahlobile mahlo a ka, gomme a lekilwe go phethagal, lesome lesome. Eupša ke kgona go bona moriri o letše lebatong, felotsoko fale, feela gabonolo. Eupša o bee godimo kgauswi le nna . . . O rile, “Ge o hwetša . . .” O rile, “Ke eng e dirago moriri wa gago go ba wo mopududu?”

Ke rile, “Ga ke tsebe.”

<sup>61</sup> O rile, “Ke botšofadi.” Ha-ha-ha! O rile, “Seo ke se se bago phošo ka mahlo a motho ge o feta masomenne. Wena, gabotse, dintaka tša gago di a hunyela. Gomme o no swanela go—go kgonana le yona, ke phetho.” Gomme ke no tšwelapele go e šuthiša. Gomme, gabotse, ga ke ne nako go ya, eupša ke—ke tla letšatši le lengwe, le go hwetša tša—tša go bala go bala ka tšona, ge ke eya go ruta bontši. Eupša bjale ke sa tšo bala sehlogo le go ya pele. Gomme ye ke . . . ke swere Beibele ye mengwaga ye mentši ya go feta, gomme ka kgontha e, mongwalo wo mokaone go fetiša.

<sup>62</sup> Bjale, ka go Genesi, *Genesi* e ra “mathomong,” tema ya peu. Gomme elelwang, gore, se sengwe le se sengwe se lego gona lehono, gabotse se thomile ka go Genesi. E be e le mathomo a dilo tšohle. E be e le mathomo a—a phološo. E be e le mathomo a sebe. E be e le mathomo a ditumelo tšohle. E be e le mathomo a Kereke ya therešo. E be e le mathomo a kereke ya maaka. E be e le mathomo a toko. E be e le mathomo a phoro. E be e le mathomo a dilo tšohle, di thomile ka Genesi.

<sup>63</sup> Ke duma ge nkabe re bile feela le dikgwedi tše tharo go ye, go dula thwi go thuto ye tee ye, le go no e epa, go e tlema ka Moya wo Mokgethwa, ka dithapo tša Modimo, gomme re no e phuthela mmogo. Gomme šetšang ka fao Lentšu le lengwe le le lengwe le nogo sepelelana thwi ka gare le Mantšu a mangwe. Selo se sebotse bjalo!

<sup>64</sup> Lentšu la Modimo le šušumetša kudu! Ga go kgathale ke lebaka lefe, nako mang, motho yo mongwe le yo mongwe yoo a kilego a bala Sehlogo se, ka . . . Le ngwadilwe bjale lebaka la makgolo a mantši, ya, gabotse e ka ba dikete tše tharo, bontši, mengwaga. Gomme motho yo mongwe le yo mongwe yoo a kilego a bala Sehlogo se, ka go lebaka le lengwe le le lengwe, o šušumeditšwe ke Lona, le a bona, temana ye nngwe le ye nngwe ya Lengwalo. Ga se gona gape se ka tsogego sa tšea lefelo la Lona.

<sup>65</sup> Mongwalo wo o bego o ngwadilwe morago ka go letšatši le lengwe, ge o be o balwa bakeng sa lebaka leo le bakeng sa morero wa wona, o rarolotšwe. Nka no go ngwalela lengwalo, gomme ka re, "Ngwanešu morategi wa ka, lehono ke bile godimo go lefelo le le itšego le go dira bjalo le bjalo, ka nako." Leo le ya thwi go wena, gomme seo se a e ruma. Mohlomongwe bakeng sa bohlatse bja kgorotsheko goba se sengwe, le ka tlišwa godimo bakeng sa bohlatse kgahlanong le nna goba bakeng sa ka, go netefatša nna se sengwe, goba go netefatša se sengwe kgahlanong le nna, eupša e ka se be molaetša wa thwi bjalo ka ge o tla ba ge o filwe go wena.

<sup>66</sup> Eupša Beibele ga e bjalo. E filwe go morafe wa batho, le bakeng sa dinako tšohle le bakeng sa mabaka ohle, gobane Ke Lentšu la Modimo le le ngwadilwego. Le a bona? Mantšu a Gagwe a ka se tsoge a palelwa. A ka se tsoge a hwa, gomme ge feela go ne Bokagosafelego, neng le neng le neng, a a tla no fela a ne ditlhalošo tša go swana, gobane A kile a tšwa dipounameng tša Modimo. Le a bona? A ka se palelwé! E no nagana ka seo, ka fao Lentšu la Modimo le logo Gosafelego. Ke Bophelo.

<sup>67</sup> Bjale, lentšu ke eng? Lentšu ke mogopolo wo o hlagišitšwego. Gomme ge Modimo gatee a nagana e ka ba eng, e no ba kgopoloo. Eupša ge gatee e hlagišwa, e ka se tsoge ya fetolwa goba go fetoga. E swanetše go dula go ya go ile.

<sup>68</sup> Gobane, lentšu la gago le no ba gabotse boka o le. Lentšu la Modimo le no ba gabotse boka A le. Lentšu la gago ke karolo ya gago. Tshepišo ya gago e no ba ye botse ka mo o kgonago go ba. Gomme tshepišo ya Modimo e no ba ye botse ka mo A kgonago go ba.

<sup>69</sup> Bjale, ka go ba yo a hwago, o ka kgonago go dira tshepišo gomme wa swanelo go e roba, gobane o no ba yo a hwago. Ke no ba wa go hwa. Eupša, Modimo, ka go se hwe, le go hloka magomo, le mokgonatšohle, motlalagohle, O dira setatamente,

gomme O tseba bofelo go tloga mathomong, gomme O kgona go se boloka.

<sup>70</sup> Abraham o biditše dilo tšela tše di bego di se gona, o ka re di be di le gona, gobane o be a kgodištwe moka gore, se Modimo a se tshepištsegoo, Modimo o be a kgona go se dira, gobane A ka be a se a ke a dira tshepišo ntle le ge A tsebile se se bego se eya go ba.

<sup>71</sup> Le bona ka fao re ka khutšago godimo ga Lentšu la Gagwe gona? Ga go kgathale ledimo le tšutla thata gakaakang, se se lego kgahlanong le Lona, khutšang ka tiišetšo godimo ga Lentšu. Modimo o Le boletše, Yo a bonego lehlakore le lengwe la ledimo. Le a bona? Kafao, ge o babja, nno kgwaparetša soulo ya gago ka Lefelong la Khutšo. Ge o gakanegile le go tlalelwa, elelwa, O rile, “Ke tla ba le lena ka mehla, ebole go fihla bofelong bja lefase.” Gomme O... O rile, “Dilo tšohle di šoma mmogo bakeng sa tše botse go bona bao ba ratago Morena,” kafao nno dula thwi fale.

<sup>72</sup> Monna yo motee o ngwadile, moreti o ngwadile, “Sekgwaparetši sa ka se swere ka gare ga seširo.” Seširo ke eng? Ke se sengwe se se tswalelago go tloga mo go tšwa Kua. Gomme sekgwaparetši se ka gare ga seširo. Ga le bone ka fao e yago go ba, eupša le a tseba gore go na le se sengwe seo se le swerego, seo se nago go swara godimo Fale.

<sup>73</sup> Gomme ge lewatle le foka le ledimo, a le kile... Ke a thanka mohlomongwe ba bangwe ba lena ga se ba ke ba ba le monyetla go bona sekepe se kgwapareditswe. Oo, nna! Ke di otletše ge di lahlela ntle sekgwaparetšo sa lewatle ka mokgwa *wola*, go fihla sebetlwa se sennyane ebole se sa kgone go ya bokagodimo ga ntlhora ya le—le lephoto. Se tla ya go kgabola lephoto. Eupša ge feelsa sekgwaparetši se swere, seo ke sohle se dirago phapano e ka ba efe.

<sup>74</sup> Ge eba re ya godimo ga yona, ka tlase ga yona, go e dikologa, goba ka yona, ga go tshwenye; sekgwaparetši se swere. Yeo ke tsela ge madimo a bophelo a thoma go re šikinya. Re ka no swanela go ya go kgabola, re ka no swanela go ya godimo, ka tlase, go dikologa, eupša e no dumelela sekgwaparetši go swara ka gare ga seširo, go sa bonwego. Ga re tsebe feelsa tlwa moo se lego, eupša ke maswaro.

<sup>75</sup> Go no swana le mošemaneyo monnyane, le a tseba, yo a bego a na le khaete. Le kwele seema sa kgale, kanegelo. O rile, “O tseba bjang gore o na le khaete ka mafelelong a fao?”

O rile, “Ke sa kgona go ikwela e thuhlula.”

<sup>76</sup> Kafao, yeo ke yona. Ge re ka kgona go kwa e sa thuhlula, Modimo a šoma ka dipelo tša rena, gona re a tseba sekgwaparetši sa rena se sa swere.

<sup>77</sup> Ke a dumela e be e le Benjamin Franklin yo a swerego ledadima ka lebotlelong, yo a hlotlilego magadima, mohlagase.

Se sengwe ka gare ga gagwe se biditše, le go re, “Go na le maatla ka go seo. Maatla ao a ka kgona go hlotlwa.” Gomme ge eba a maatla bjalo, go thunya mekgotha le go thuthupiša mathimpa, go bula lefase, a be a ka kgona go dira eng ge gatee a be a hlotlilwe? A tla gotetša, le go pekenya, le go itia lefase lohle. Gomme Benjamin Franklin, ke a dumela, a thea go khaete ya gagwe, ka sekgonyo se bofeletšwe bofelong bja mosela wa yona, le lebotlelo fase mo tlase. Gomme ge a a hweditše, o be a sa tsebe se a bego a na le sona, eupša a thoma go goelela, “Ke se hweditše! Ke se hweditše!” O be a sa tsebe se e bego e le sona; o be a sa tsebe se a bego a eya go se dira ka yona; eupša o tsebile o be a ne se sengwe.

Gomme yeo ke tsela ka motho yo mongwe le yo mongwe yoo tša gagwe:

Dikholofelo ga se tša agiwa godimo ga selo ntle  
le  
Go feta Madi a Jesu le toko;  
Gomme gohle go dikologa soulo ya ka e fa tsela,  
Gona Yena ke kholofelo yohle ya ka le go dula.  
Godimo ga Kriste, Leswika le le tiilego, ke a  
ema;  
Mabala a mangwe ohle ke dikwenamohlaba.

<sup>78</sup> Ge o kile wa tswalwa gape, Moya wo Mokgethwa o tsea lefelo la Wona ka pelong. Batho ba bangwe ba baswa ba ka no se ke, goba ba baswa, goba ba ka no se rutege, ga go kgathale gore e bjang; ga go yo motee a ka kgonago go e hlatholla, ka fao le se ikwele gampe ka gore le ba go se rutege. Le ka se kgone go e hlatholla. Ga se gwa ke gwa tsoge gwa ba monna gabjale a ka kgonago go e hlatholla, ga go kgathale ke setswerere bjang goba ke bohlale bjang. Ke sephiri sa Modimo Mong. Eupša ge Lentšu lela le tsea Bophelo ka pelong ya gago, gomme o a Le bona, o goelela, “Ke Le hweditše!” Ga o tsebe se o yago go se dira ka Lona; ga o tsebe se Le yago go se dira ka wena; eupša o a tseba se sengwe se diregile, gomme o Le hweditše.

<sup>79</sup> Bjale, kagona, go Lentšu! Ke mo gobotse. Bjale re lebane mosong wo, gomme re na le pele ga rena, ka tlase ga kelohloko, go kgopolu ya ka, ye nngwe ya dingwalwa tše bohlokwa kudukudu tša Testamente ya Kgale. Josefa (re ya go bolela ka) *A Kopana Le Banababo*. Go ka ba ditsela tše lekgolo tša go fapano tše Moya wo Mokgethwa o tsenago ka go se le go se phutholla go dipelo le monagano wa rena. Kafao, go naganeng se, go beng matšatši a se makae fa, re ka bolela nakwana ye nnyane mosong wo, ka baka la go swinelela ka mogolong, gomme ka gona mohlomongwe go o topa gape bošegong bjo ge modiša a se ne e ka ba eng pelong ya gagwe, gomme mohlomongwe ra e rwala go kgabola le go e fetša ka Mošupologo bošego, ge go le bjalo gore Modimo o e file ka tsela yeo.

<sup>80</sup> Bjale, gabotse re tlwaelane le dimelo tša Testamente ya Kgale, ka fao gore, "Dilo tšohle tša kgale e be e le morithi," Bahebere 11, "moriti wa dilo tše di tlago." Seo ke se sebotse bjang, ka fao Modimo a bontšhagopele!

<sup>81</sup> Gomme ge re ekwa moriti wo, bjalo ka ge o bile, re a tseba gore go na le se sengwe ka godimo mo. Mo... Modimo, ka go bomokgonatšohle bja Gagwe, ka go monagano wa Gagwe wo mogolo wa go hloka magomo, a bona se sengwe se no lokela go direga, A ka kgona go se sebotšapele. A ka kgona go dira se sengwe le se sengwe go šoma mmogo, le bogale bja motho, go Mo tumiša, ebole le yo mongwe yo a go swarago bobe. Ge re eya go hwetsa, morago ga nthathana, ge Morena a rata, ka fao gore ngwanešu wa Josefa o mo swere bobe, gomme O retologetše thwi morago go dikologa, gomme a tšea seo gomme a se dira gore se Mo tumiše. Kafao, ga re ne selo go tshwenyega ka sona, e sego selo.

<sup>82</sup> Ka fao gore Modimo, ka mošemane yola, o be a bontšhapele go tla ga Morena Jesu lekga la mathomo, le go tla ga Morena Jesu lekga la bobedi, gomme o e šomile yohle ntle ka go bophelo bjo bo sa tsebego selo ka se se bego se direga. Amene. A seo ga se no dira se sengwe go wena, go bona Josefa yo monnyane wa go šokiša? Gobaneng, o be a sa tsebe se se bego se direga, gobaneng dilo tše tšohle di swanetše go direga. Eupša e be e le tšohle Modimo, a šoma, a laetšapele, a laetšapele dilo tše di bego di eya go ba.

<sup>83</sup> Gona le ka lemoga Lentšu, ka fao le Le topago godimo fa le go Le bala ka go Genesi, go Le bala ka bogareng bja Puku, go Le bala ka mafelelong a Puku, gomme Lentšu le lengwe le le lengwe le sepelelana thwi le letee le le lengwe ka mokgwa woo. Gomme Le ngwadilwe mengwaga ye dikete go arogana, ke makgolokgolo a banna ba go fapania. Le a bona? Kafao, kagona, le a bona ke Modimo yohle. Yo motee a sa tsebe yo mongwe, goba go tseba ke Puku e fe e ngwadilwego, ga go selo ka Yona; nako ye nngwe, lebaka le lengwe.

<sup>84</sup> Gomme re kgona go bona, lehono, gore Modimo o šoma feela tlwa boka A dirile morago fale. Bjale re no ya, go fetšeng godimo ka ngwaga wo moswa, go tšwa go moriti wa Kgale. Le ka fao gore mathomong, ka fao Modimo, ge A bone sebe se eya go tšea pušo ya sona godimo ga lefase le godimo ga batho, ka fao lenaneo le legolo le bego le fapošitšwe; le se la fedišwa, le se la hlolwagape, eupša le nno fapošwa.

<sup>85</sup> Le a bona, Sathane ga a kgone go hlola. O kgona feela go fapoša. Se sengwe le se sengwe seo o se bonago, se fošagetše, yeo ke toko e fapošitšwe. Le a bona? Le bona mmolelelamahlatse wa kgale ntla mokgotheng, yoo o no ba baprofeta ba fapošitšwe. Le a bona? Le bona e ka ba eng e lego ye mpe, go bona monna a phela go se rereše go dikeno tša gagwe go mosadimogatša wa gagwe, yeo ke toko e fapošiditšwego go bobe. Pele le morago, o bona

basadi mo mokgotheng, ba dira ka tsela ye ba dirago le go ba ka tsela ye ba lego, bao ke bahumagadi ba ba fapošitšwego.

<sup>86</sup> Ke fetile kgauswi le Louisville, letšatši le lengwe, mosadimogatša le nna, gomme ke bone leswao mo lefastereng, moo re bego re etla go tšwa go jeng, godimo ka Fifth Street. Gomme le rile, “Ditafola tša bahumagadi.”

<sup>87</sup> Ke rile, “Ga se ba ke ba tsoge ba ba le moreki.” Aowa, mohumagadi a ka se ye ka fale. Ge a eya ka fale, ga se yena mohumagadi gape. Le a bona? Kafao, ga se ba ke ba ba le moreki, ka tlase ga leswao lela. Bahumagadi ga ba ye mafelong ale. Eupša, le a bona, se seo se yago ka fale, ke bahumagadi ba ba fapogilego. Le a bona? Go lokile.

Bjale, Modimo, go dira dilo tšohle go Mo tumiša!

<sup>88</sup> Re keteka Krisemose, matswalo a Morena Jesu. Yeo, ga e no ba tlwa letšatši la matswalo la Gagwe. Letšatši la Gagwe la matswalo le be le le ka Aporele. Gobane, go no tonya ka Judea, goba go tonyatonyi ka Desemere, go feta go le mo. Kafao, re lemoga seo. Le bone seswantšho letšatši le lengwe, dithanka godimo kua ka lehlweng, le dilo tša go swana le tše, ka Judea. A le kgona go eleletša badiši ba robetše ntle godimo ga thaba ka boso ka mokgwa wola? Eupša, ga se letšatši. Eupša ke, letšatši, ga le re bontši kudu, ke mo—mo mokgwatebelelo re nago go wona go letšatši lela leo le beetšwego go arogana.

<sup>89</sup> Bjale hlokamelang. Ka pela ge Modimo a bone peu ya mosadi, le ka fao ba kwetšwego thoko fale gomme toko e fapošitšwe, Modimo o file tshepišo gore ka mosadi yola go tla tla Peu ya go šegofala. Le a e hwetša? Go tla ba le Peu.

<sup>90</sup> Gomme feelsa ka pela ge Sathane a kwele seo, yo a bego a eme a le gona, ka pela ge a e kwele, o tšere go senya Peu yela. Gomme o lekile go e dira ka go Josefa. O lekile gohle go kgabola lebaka. Gomme o sa le kgahlanong le Peu yela ya go šegofala. Amene.

<sup>91</sup> Ke le nyaka le apare dikefa tša lena tša go nagana go teba, feelsa bakeng sa motsotso bjale. Ge, aparang sekokoro sa phološo, gomme theetšang sekgauswi bjale. Sese se sengwe se bohlokwa ka kgonthe. Gomme le ka no se dumelanelane le yona; go lokile. Eupša, a le lemogile, ka pela ge . . .

<sup>92</sup> Fao go be go šetše go bile kgo—kgo kgopolو, ka gore Efa o be a šetše a phetše go se loke gomme o be a dirile sebe. Seo se tšwa kae? Seo se ka go Genesi. Banna lehono ba leka go hwetša tswalanyo ye e lahlegilego gare ga phoofolo le motho. Ye ke kutollo. Beibele e boletše, gore, “Sephente e forile mosadi.”

<sup>93</sup> Lehono, motho a ka kgona go tliša bophelo bja phoofolo, gomme phoofolo ya kgaušwiuswi le motho ke tšimpanse. Ba kgona go mo dira a kgoge phaephe, a namele paesekela, a e rwale kefa, a e bethabethe. Seo se no swana le “sepela” le “ho” go pere. Ke modumo. Ga a na soulo. Ga a kgone go nagana. A ka

kgona feela go ya ka modumo. Ga a na soulo. Ka gona ba na le tswalanyo ye e lahlegilego, thwi magareng mo, yeo ba sego ba ke ba kgona go e hwetša. Gomme lebaka la mengwaga ye dikete tše tshela ba lekile go hwetša ntlhasana e tee go tšwa go tšimpanse, gomme ga ba kgone go e dira. Ba ka se tsoge ba dirile. Eupša, re a tseba gore re bophelo bja phoofolo. Re bophelo bja semela, go tšwa lefaseng.

<sup>94</sup> Bjalo ka ge ke be ke bolela letšatši le lengwe, polokong ya kgaetšedi morategi wa rena. Re sehlopha sa dielemente tše lesometshela tša lefase, tša seetša sa khosmiki, le dipetroleamo, le dilo di beilwe mmogo. Re be re le fa ge Modimo a boletše gomme o rile, "A go be le." Mebele ya rena e bile. Eupša, Se sengwe, Monagano wa mong o re tsentše ka go se re lego bjale. O re dirile ka diatla le matsogo, le go ya pele, e sego go re fediša, eupša gore re phele go ya go ile. Sebe se dirile tshenyro. Gomme Yena Yo a re dirilego, ntle le go ba le kgopolu e ka ba efe—e ka ba efe ya go tsoge ra ba mo, Yo a re dirilego le go tliša dilo tše mmogo le go re dira se re lego sona bjale; a A ka se kgone kudu go fetiša, ka go re fa tokologo ya kgetho go e amogela, gomme ka Lentšu la go swana le le re hlotšego, le re tshepišitše gore O tla re tsoša gape. Ke bontši gakaakang bontši go fetiša dipetroliamo tše tšohle di tla tlago mmogo, le diathomo, le go ya pele, ka go . . . ka Lentšu la Modimo!

<sup>95</sup> Bjale, mo mathomong, ge Modimo a boletše, gomme Sathane o be a eme fale gomme o e kwele.

<sup>96</sup> Gomme batho ba leka go hwetša tswalanyo ye e lahlegilego. Ke tla le botša, ka kutollo, ge le nyaka go e amogela. Motho yola a lahlegilego, gare ga phoofolo le motho, ke sephente, pele a eba le maoto a gagwe a tlošitšwe go yena. Beibele e rile, "O be a le bohlale kudukudu go dibata tšohle," e sego segagabi, "tša tshemo yohle." E bile yena yo a forilego mosadi, ka go botse bja gagwe, gomme o imile. Gomme bjale, ka go dira seo, le go bona sebe se be se etla, Modimo o beile thogako ye bjalo godimo ga gagwe go fihla saense e ka se tsoge ya hwetša setswalle se se itšego gare ga sephente ye, bjalo ka ge go tsebega lehono, le motho. Eupša sesele sa gago sa go wa, sephedi sa go nyatšega, gareng, seo se kgokago bjona bophelo bja phoofolo mmogo. Ke lena bao.

<sup>97</sup> "Modimo o e utetše ba bohlale le ba tlhaologanyo, eupša o tla e utolla go masea ao a tla ithutago." Le a bona?

<sup>98</sup> Motho wa gago yo a welego šole, sephente. O tlišitšwe go tšwa kgole . . . yo bohlale kudukudu, yo mogologolo kudu, yo mobotse kudukudu, motho wa go swana le motho kudu. Gomme ka gona ka baka la bobo bjo a bo dirilego le Efa, O mo tlišitše tlase go segagabi, "Go gagaba ka mpa ya gagwe, matšatši ohle a bophelo bja gagwe, gomme lerole le swanetše go ba nama ya gagwe." Fao ke mo saense e ka kgonago go tla fao, gomme mohlare wa bona o rathetšwe fase.

<sup>99</sup> Hlokamelang, bjale, ka pela ge mosadi a bone gore o... mo... Bjale, o be a forilwe. Ga se a tliša sebe. O be a forilwe. O naganne e be e lokile. Eupša, "Adama ga se a forwa," go boletše Beibele. O tsebile e be e le phošo, gomme o bile le yena go dira selo sa go swana seo sebata se se dirilego.

<sup>100</sup> Gomme o tlišitše pele morwa wa gagwe, yo, dimelo tšohle tša diabolo di be di le ka go mošemané yola. O be a le mmolai. O be a ne mona. E ka kgona bjang go tšwa go moela wola wa go hlweka wa Modimo? E swanetše go tšwa go bobe. Gomme ka pela ge a dirile se, gona yena, diabolo, o šomišitše sedirišwa sa gagwe.

<sup>101</sup> O tlišitše pele morwa wa gagwe wa bobedi, yo a bego a le ka morago ga Adama, gomme ka kua go be go le Abele. Gomme, thwi ka pela, diabolo o lekile go senya peu yela ya toko. Gomme o retologile go dikologa gomme a bolaya Abele, le go thoma; e lego sekai sa Judase le Jesu. O mmolaile aletareng, moo, Jesu, Judase o bolaile—bolaile Jesu, o Mo ekile bakeng sa diripana tše masometharo tša silibere le go Mo rekiša. Go lokile.

<sup>102</sup> Eupša, hlokamelang. Ge a dirile seo, gona Modimo, sekai sa Kriste, bobedi lehu le tsogo, O tsošitše Sethe go tšea lefelo la gagwe. Le a bona? Gomme diabolo o tšere ka morago ga Sethe.

<sup>103</sup> Bjale šetšang. Go bapa, pele ga tshenyego ya pele ga meetsefula, go bile le lešika le letelele la banna ba ba ttilego tlase go kgabola barwa ba Kaine, go tšwa nageng ya Node, gomme ba be ba le borasaense, ditswerere, dihlalefi, banna ba bothakga. Ebile ba be ba katana le dimetale. Ba be ba aga magae. E be e le tlhabologo ya bothakga. Beibele e ya pele le go bolela ka fao ba šomilego ka koporo, ka fao ba šomilego ka metale.

Eupša, sehlopha se sengwe se e be e le baneneri.

<sup>104</sup> Eupša, dihlopha bobedi di be di le bodumedi. Kaine o be a le wa bodumedi. Abele o be a le wa bodumedi. Gomme Modimo o thadile mothalo, wo o bego o nepile. Kaine o be a no ba wa bodumedi bjalo ka Abele. Bobedi ba agile dialetara. Bobedi ba dumetše go Modimo. Bobedi ba rapetše Modimo. Bobedi ba tlišitše dimpho.

<sup>105</sup> Bjale šetšang tšona dipeu tše pedi. Ye tee, e elwa; ye mpe e leka go senya Peu ya toko. Gomme o lekile go fediša Abele; o dirile, eupša Modimo o tsošitše Sethe go tšea lefelo la gagwe. O naganne o be a ne Jesu thwi fale. Lebelelang tlase go kgabola lebaka, mogohle. Yena, lefelo le lengwe le le lengwe a ttilego, o rakeletše Peu yela. Ge a bolaile e tee, goba ye nngwe, o naganne o bile le Yela. Gomme, mafelelong, o—o tšere ka morago ga Johane Mokolobetsi, mafelelong o kgaotše hlogo ya gagwe. O naganne o bile le Yena nako yeo, eupša o hweditše O be a le godimo fa ka go Jesu. O bolaile masea ohle. Gomme, Moshe; o lekile go bolaya Moshe. O lekile tsela ye nngwe le ye nngwe a kgonnego go senya Peu yela, gomme ge a bolaile Kriste mo Khalibari; eupša Modimo o Mo tsošitše gape, letšatšing la boraro, gomme

morago O rometše Moya wo Mokgethwa morago go biletša barwa le barwedi go Modimo. Gomme ye e swanago ye mpe, peu ya bodumedi e tlaiša Peu yela ya go loka le bjale lehono. Le a e bona? Ba leka go senya Lekala lela la Modimo la toko.

<sup>106</sup> Bjale, mahlakore a mabedi, ge le ka hlokomela, e thomile ka go Genesi, ya bodumedi ka mahlakoreng a mabedi. Ye tee ya tšona, ya kerekeleina, ya monagano wa godimo. Gomme ye nngwe, ya go kokobela, e sepela ka Moya, ka kutollo.

<sup>107</sup> Abele o be a ka kgona bjang go tsoge a tseba gore e be e le kwana go na le dikenywa go tšwa tšhemong? Gobane e be e utollotšwe go yena, ka kutollo ye Kgethwa.

<sup>108</sup> Jesu o boletše se se swanago, ge Petro a Mmoletše go ba Morwa wa Modimo. O rile, “Nama le madi ga se tša utolla se go wena, eupša Tate wa Ka yo a lego Legodimong o utolla se go wena. Godimo ga leswika le . . .” Leswika, e sego Petro, e sego Jesu, eupša godimo ga kutollo ye Kgethwa. “Ke tla aga Kereke ya Ka, gomme dikgoro tša hele di ka se kgone go fenza kgahlanong le Yona.” Le a e hwetša? Ke kutollo ye Kgethwa.

<sup>109</sup> Bjale šetšang. Matsapa a mangwe le a mangwe, a nako, fale, ba kopane le sefahlego ka sefahlego le go se lwantšha. Lebelelang ge Moaba a be a le godimo ka thabeng, gomme Israele e be e le ka moeding. Gomme Israele feela e kgopela bjalo ka ngwanešu, mokgomana, go feta go kgabola naga ya bona, ba eya nageng ya tshepišo yeo Modimo a ba tshepišitšego; ba kgopetše feela tsošeletšo ye nnyane ka kerekeng ya bona, bjalo ka ge go bile. Go no feta go kgabola naga, le go tshepiša ebile ba tla lefa bakeng sa bjang bjoo dikgomo di bo latswitšego. Gomme ba tla ya go tselalephefo ya kgoši, le dilo tšebo tla di dirago ge ba fetile go kgabola dinaga, gomme ba tla e lokiša. Eupša, mona . . .

<sup>110</sup> Bjale, Moaba, naga ya Moaba e be e se mohlokamodimo. Ba be ba dumela go Modimo wa go swana yoo Israele e mo dumetšego, gobane ba be ba le barwa ba barwedi ba Loto; Morwedi wa Loto yo a imilego ge Loto a be a tagilwe, ke tatagwe mong. Gomme ba ile godimo, gomme ba . . . Ke moo Mamoaba a a tšwago gona.

<sup>111</sup> Gomme ge moprofeta wa bona a tšwela ntle, morutiši wa bona, a gafiswa ke tšhelete, le go beakanya dialetara, dialetara tše šupago, tlwa bokaalo bja go swana bja dialetara bo bego bo nyakega tlase mo. Moaba šo o dutše mo, naga ye kgolo ye kaone ya kerekeleina, yohle e beakantswe le go naganwa.

<sup>112</sup> Gomme mo go be go le Israele, mopsikologimokgethwa yo monnyane wa kgale a nenera gohle ka ditenteng, go tloga lefelong go ya lefelong. Le re, “Mopsikologimokgethwa”? Ka kgonthe ba be ba le, ge ba—ba le se ba se bitšago, lehono, mopsikologimokgethwa.

<sup>113</sup> Ge ba tshetše Lewatle le Lehubedu, gomme Modimo o dirile mohlololo pele ga bona, Miriamo o swere thamporini gomme a

thoma go itia thamporini, gomme a kitima go theoga leši, ba goeletša le go taboga, le go bina ka Moya. Gomme barwedi ba Israele ba mo latela, ba taboga, ba goelela, ba bina ka Moya. Gomme Moshe o eme ka diatla tša gagwe godimo, mohlomongwe a opela ka leleme leo go sego yo a kilego a le kwa pele, koša yeo go sego yo a ka go e kwešiša. O opeletše Morena, ka Moya. Ge bao e se bapshikologibakgethwa ba sebjalebale, ga ke tsebe ke ba lebelele kae. Ba bile le maswao le matete le bona.

<sup>114</sup> Bjale, ge Modimo feels a hlompha motheo, lebelelang fa. Moaba, go bolela ka Mangwalo, o be a no ba motheong bjalo ka ge Israele e bile. O bile le se sengwe le se sengwe seo Israele e bilego le sona. O be a na le dialetara tše šupa. Seo ke se Modimo a bego a se nyaka; Israele e be e na le dialetara tše šupa. O be a na le dihlabelo tša go hlweka tše šupago. Israele e be e na le dihlabelo tša go hlweka tše šupago. Kaine le Abele šole, gape. Le a bona? Go lokile. O neetše dipowana tše šupago. O neetše dipowana tše šupago. O neetše dikgapa tše šupago, go bolela gore... dumetše gore Kriste o tla tla. O neetše dikgapa tše šupago, selo sa go swana. Feela ba motheo ka fao ba motheo ba ka bago!

<sup>115</sup> Kaine o agile aletara; Abele o agile aletara. Kaine o neetše sehlabelo; Abele o neetše sehlabelo. Abele o rapetše; Kaine o rapetše. Eupša, Modimo o hlatseditše, o netefaditše gore Abele o be a le kgetho ya Gagwe.

<sup>116</sup> Modimo o netefaditše mo gore Israele e be e le kgetho ya Gagwe, ka gore Israele e be e na le sa kagodimogatlhago ka kampeng ya bona. Le ge, ka mabošaedi a bona ohle, ba bile le Pilara ya Mollo e ba latela. Ba be ba na le poelano ya phodišo ye Kgethwa, gomme ba be ba dira phodišo ye Kgethwa; sephente. Ba be ba na le letlapa le le iteilwego. Ba bile le maswao le matete ka kampeng.

<sup>117</sup> Ge Johane a tlide, o be a le kagodimogatlhago. Ge Jesu a tlide, e be e le kagodimogatlhago. Gomme lenaba, ka lehlakoreng la motheo, ka mehla le be le tlaiša sa kagodimogatlhago.

<sup>118</sup> Le bona se a lekago go se dira lehono? Selo sa go swana, "Phumola phodišo Kgethwa! Phumola batho ba! Ga go selo go bona!" Bahlomphegi, batho ba bagolo! "Ba phumoleng!" Ngwanešu, ga se selo eupša morara wola, o nyokanyoka go kgabola Genesi, go tla ka go Kutollo.

<sup>119</sup> Ke tšeа lehlakore la ka le bapshikologibakgethwa!...?... A e be e ka ba eng... Ga se ka ke ka bona mopshikologimokgethwa. Leo ke leina le diabolo a le beilego godimo ga Kereke ya Modimo, ge e se ya fao. Ga se bapshikologibakgethwa. Ke barwa le barwedi ba Modimo, ga se ba kwešišwe ke lefase.

<sup>120</sup> Bjale, Josefa o tswetšwe ke tatagwe, gomme a ratwa ke tatagwe, gomme a hloilwe ke baena ba gagwe. Bjale hlokamelang, seswantšho sa go phethagala sa Morena Jesu. Ke nyaka le hlokomele ka fao bophelo bja Gagwe bo nno

swantšhwago, ka go Testamente ya Kgale, se sengwe le se sengwe se swantšitšwe bjale. Lebelelang morago kua gomme le bone seswantšho; moriti šole, gomme le bona se phosithifi e lego sona. Bjale hlokamelang, Josefa, a le sekai sa Kriste, sekai sa Kereke, sekai sa Moya wo Mokgethwa. Sekai... O be a le mokgoma wa katlego, feela bjalo ka ge Kriste a le, feela bjalo ka Kereke lehono.

<sup>121</sup> Hlokamelang, gape, gore, ge a be a tswalwa, tatagwe o mo ratile gomme o mo diretše jase ya mebala ye mentši. Bjale, go na le feela mebala ye e šupago ya go phethagala ka go mebala yohle. Tšohle tše dingwe di dirilwe ka mebala ye. Gomme jase mohlomongwe e bile le mebala ka go yona, ya mebala ye e šupago ya go fapano, merapapitsi, ka go jase yeo tate a e dirilego. Ge le ka hlokomela, mohlomongwe Jakobo ga se a ke a kwešiša seo ka nako yeo, eupša seo se laetša "Yena Yo a tshepišitšwego." Ge Modimo a file Noage leswao la molalatladi, mebala ye e šupago, e be e le tshepišo, goba Yona Kgwerano. Modimo o be a dirile kgwerano gore O be a ka se sa fediša lefase gape ka meetse.

<sup>122</sup> Gomme kgwerano ya Modimo le yona e ile ya rwalelwya godimo ka Jakobo, go ya ka go Josefa. Abraham o be a le kgetho, gomme Isaka o be a le tokafalo, gomme Israele e be e le mogau, gomme Josefa o be a le phethagalo. Yeo e bile yona e nnoši yeo e bilego le mebala.

<sup>123</sup> Re bona Jesu a dutše godimo ga Terone, ka mebala, molalatladi go Mo dikologa, ka go Kutollo 1. E be e le kgwerano ya Modimo le batho. Kriste... Še yona. Oo, ke nyaka bjang le e bone! Kriste ke kgwerano ya Modimo le batho ba Gagwe. E sego dikerekemaina; eupša Kriste ke kgwerano ya Modimo.

<sup>124</sup> Bjalo ka ge Josefa a hloilwe, go bjalo le Kriste o hloilwe lehono. Ga ba nyake go re ba hloile Kriste, eupša mediro ya bona e netefatša se ba se dirago. Ba kgahlanong le mosepelo wo mongwe le wo mongwe wa Gagwe; bolela ka ditiro tša Gagwe, mediro ya Gagwe, ditiro tša Gagwe tše botsebotse. Gabotse, mnene, re na le Sathane ka kampeng, le yena, o a lwa. Nnene. Gomme ba tla šupa go mantšu a Sathane. Eupša, ga ke kgathale se Sathane a se dirago go—go leka go gagantšha. Lentšu la Modimo le ema ka go phethagala, gomme tshepišo ya Gagwe e phethagetše. Nka se tsoge ka nyaka go tsea lehlakore le sehlopha seo.

<sup>125</sup> Hlokamelang, O be a le fao, Kgwerano. "Kriste o be a lebega bjalo ka letlapa la jaspere le saritime," ka go Kutollo. Leo e be e le letlapa la sefega... letlapatswalo, a ke re, go tloga go Rubene go ya go Benyamini. Yeo e be e le ponagatšo ya saritime le jaspere, bjalo ka ge ba bonagaditše mmogo ka tlase ga Seetša sa Modimo, o dirile kgwerano go dikologa Kriste, molalatladi. Gomme o bolela ka eng? Rubene, yo mogologolo; Benyamini, yo monyennyane! Go tloga pele go ya mafelelong, "O bile yena yoo a

Bilego, Yo a lego, gomme a Tla Tlago; Modu, Lehlogedi la Dafida. Ke Yena Naledi ya Moso. O tšwa go A go fihla go Z; Alefa, Omega; Ponagatšo ya Modimo go tloga mathomong a nako go ya bofelong bja nako. Yena šole, kgwerano ya Modimo le batho ba Gagwe.

<sup>126</sup> Gomme dilo tšohle tše dingwe tše, Josefa, Dafida, baprofeta bohle, ba be ba no ba ponagatšo. Amene. Go bonagatša, go tšwa go Peu ya thereso go tšwa serapeng sa Edene, go fihla nako ye A tla tlago lekga la bobedi, ka Letagong, go amogela batho ba Gagwe le Kereke ya Gagwe. Šeo yona, ye botse go e lebelela.

<sup>127</sup> Josefa, bana babo ba be ba le swele go yena. “Ba be ba mo hloile, ntle le lebaka,” ka gore o be a hueditšwe kagodimogatlhago. Le a e hwetša? Kaine o hloile Abele, ntle le lebaka, ka gobane go beng go šušumetšwa ga kagodimotlhago. Moaba o be a hloile Israele, ntle le lebaka, gobane ba be ba ne phodišo Kgethwa, maswao, matete, le mehlolo. Ba mo hloile, ntle le lebaka, gomme ba se mo dumelele go feta go kgabola . . .

<sup>128</sup> [Lefelo la go se be le selo godimo ga theipi—Mor.] . . . go ba le mosadimogatša wa ngwaneno. Amene. [Lefelo la go se be le selo godimo ga theipi.]

<sup>129</sup> Bjale, bagwera barategi ba ka, ke nyaka go tliša se sengwe kelellong ya lena, gomme ke nyaka le e bee fase ka fase ga kgopo ya bohlano ka lehlakoreng la nngele, ka tenteng ya kamora yeo e bitšwago pelo.

<sup>130</sup> Le gatee, ka go lebaka e ka ba lefe goba ka go nako e ka ba efe, moo Modimo a kilego a šušumetša motho, a kilego a ke a ya ka lehlakoreng la bodumedi, ba ba bitšwago batho ba bodumedi ba lefase. Ga se a tsoge a tšeа le dikerekemaina. Ka mehla, o eme ntle kgahlanong, le kgahlanong le dikerekemaina tša letšatši, le kgahlanong le lenaneo la bodumedi la letšatši. Mpontšheng moprofeta o tee, mpontšheng nako e tee go kgabola Beibele, gore motho e ka ba mang wa Modimo a tsoge a kgonana le tše di bitšwago mesepelo ya bodumedi ya letšatši la gagwe. Amene.

<sup>131</sup> Le Eliya, ka morago ga go aga sekolo sa baprofeta, ka baka la eng, ge a ile godimo kua, ba nyaka gore a tloge. O rile, “Go otologile kudu fa.” Le a bona? Ahaba le baetapele ba bodumedi ba letšatši la gagwe; Eliya o ikarogantše yenamong, go ya Thabeng ya Karamela.

<sup>132</sup> Šetšang Johane Mokolobetši, a ikaroganya yenamong, ebile ga se nke a ya sekolong sa bona, go ithuta thutamodimo ya bona. Eupša, Modimo o mo rometše ka lešokeng, go mo lokišetša mošomo.

<sup>133</sup> Seaparo sa Kaine ga se sa ke sa tsoge sa kgora go bea paki ya bona ya kereke godimo ga monna wa Modimo. E ka se swanele. Yeo ke nnete. Hlokamelang, go kgabola mabaka.

<sup>134</sup> Gomme ge Jesu a etla, ga se nke A botšiša le ge e ka ba ofe wa baithutamodimo, eupša o ba biditše, “Sehlopha sa marabe, goba dinoga ka bjanyeng.”

<sup>135</sup> Barutiwa ga se ba ke ba tsoge ba kgonana le e ka ba efe ya dikerekemaina tša bona. Ba be ba le lehlakoreng la Abele.

<sup>136</sup> Josefa ga se a ke a tsoge a kgonana le bona. O be a hloilwe le go ganwa, bakeng sa morero wa go swana wo ka moka ga bona ba bego ba le. Gobane, Modimo o be a ne yena ka tsela ya kagodimogatlhago, le ka tsela ya go fapano go feta se A bego a le le ka moka ga bona. Gomme ba mo hloile, ntle le lebaka. Kaine o hloile Abele, ntle le lebaka. Baena ba hloile Josefa, ntle le lebaka.

<sup>137</sup> Gomme, lehono, lefase la kerekeleina, ga go kgathale ke le legolo gakaakang; ke rola kefa ya ka, le go re, “Ke leboga Modimo bakeng sa bona.” Eupša, ka go dithuto tšohle tša bona tše kgolo, dikereke tša bona tše kgolo, dilo tše kgolo; go le bjalo, ka go yohle ya yona, Modimo o bitša banna ntle ga ba ne selo go dira le yona, gobane ba ka se sepedišane le tša kagodimogatlhago. Fao go mosepelo go ya pele, lehono; gomme ba hloile mosepelo woo, ntle le lebaka.

<sup>138</sup> Ke kwele monna a bolela letšatši le lengwe, yo a nyakilego go fetola madi a ka go ba meetse, go kwa monna ka khuetšo, moreri yo mogolo wa Baptist.

<sup>139</sup> Gomme o be a bolela ka, gore, e be e se Lengwalo go e ka ba mang go rapela kgarebe Maria. Seo ke therešo bjang! Yeo ke nnete. O rile go be go se Lengwalo, go rapela e ka ba mang ntle le Kriste. Yeo ke nnete. O rile, “Modimo o be a le ka go Kriste, gomme ka go Yena go be go le bottalo bja Modimohlogo.” Yeo ke nnete.

<sup>140</sup> Gomme ka gona, ka morago ga tšohle tše botse, thuto ya go makatša ya Lengwalo, a retologa morago go dikologa le go re, “Ga se gwa ke gwa ba mohlolo o dirilwego ka lefaseng.” Gobane o bothata kudu kgahlanong le phodišo Kgethwa, o retologile go dikologa gomme o rile, “Ga se nke gwa ke gwa ba mohlolo o dirilwego ka morago ga lehu la Kriste. Ga go yo motee a kilego a tsoša bahu, ka morago ga Kriste, ka gore O be a le Yena a nnoši Yo a bego a na le Bophelo bjo Bosafelego.”

<sup>141</sup> Eupša, ke re go lena, gore Jesu Kriste, Morwa wa Modimo, o boditše barutiwa ba Gagwe go, “Eyang le rere Ebangedi; fodišang balwetši; le tsoše bahu; gomme le hlwekiše balephera.” Seo ke se Jesu a se boditše barutiwa ba Gagwe.

<sup>142</sup> Banna ba ka kgonna bjang go foufala ka bodumedi bjalo? Ba bile ba monagano wo mosesane ka baka la dišitiši tša kerekeleina le go hloya baena ba bona, ntle le lebaka. Le a e bona? Go sesefala kudu, gannyane kudu, ba e dira ka lebaka la maemo a bona.

<sup>143</sup> Modiredi yo mogolo wa naga lehono, o botšišitšwe gobaneng a se a amogela kolobetšo ya Moya wo Mokgethwa, ka morago ga ge o tlišitšwe ke banna ba bangwe ba boemo bja gagwe, bao ba amogetšego kolobetšo ya Moya wo Mokgethwa. O rile, “Go tla gobatša bodiredi bja ka.” Ge o mpotša, nako efe kapa efe . . .

<sup>144</sup> E ka no gobatša bodiredi bja motho ka motho, eupša e ka se tsoge ya gobatša bodiredi bja Jesu Kriste bjo bo swanetšego go rwalelwā pele. Go tla iša pele morero wa bodiredi bja Jesu Kriste.

<sup>145</sup> Eupša yo Mna. Ngaka o boletše gore ga se gwa ke gwa ba motho yo a kilego a tsoga go tšwa bahung. O rile, “Ke a tseba go na le sehlopha sa bapshikologibakgethwa ka nageng lehono, bao ba tteleimago gore ba bone bahu ba tsoga. Eupša,” o rile, “aa! Ga go tsoge gwa ba netefatšo ya sesaense ya diphodišo e ka ba dife goba e ka ba eng gape.”

<sup>146</sup> Bjale, le a bona, še yona, ngwanešu le kgaetšedi. Ke nyaka le hlokomele se kgauswi ka kgonthē. Lebaka le e lego, ke se. Lehono, banna . . .

<sup>147</sup> Ka matšatšing a Morena Jesu, ka matšatšing a Ditestamente, ge banna ba dumetše go Modimo, ba kwele ka mohlolo o dirwa, ga se nke ba leka go o netefatša ka saense. Ba o amogetše. Ba nno e dumela, ka gore ba tsebile gore Modimo o be a le.

<sup>148</sup> Eupša, lehono, sehlopha sa mosedumelemodimo se tsene ka go mesepelo ya bodumedi, gomme o leka kudu go netefatša dilo ka sesaense.

<sup>149</sup> Gomme a nke ke bolele se, ge se etla go tšwa Legodimong, ke a dumela, go pelo ya ka. Fao ga go nako ye e ka kgonago go netefatšwa. Gobane, ge o ka netefatša Modimo, gona ga A sa amogelwa ka tumelo; ke netefatšo. Re dumela Modimo le mehlolo ya Gagwe, ka tumelo. Re bitša dilo tše di sego gona, mo o ka rego di be di le gona, ka baka la gore Modimo o boletše bjalo; go sa kgathalege gore ke eng.

<sup>150</sup> Abraham o be a ka se kgone go netefatša gore ditšhika tša maswi tša Sarah di be di se tša omelela. O be a ka se kgone go netefatša gore—gore ditšhupu, le go ya pele, di a imišwa. Bona, o kgonne . . . Ga se ba kgone go netefatša le e tee ya se. Ga se ba kgone go netefatša mohlomongwe, ka diteko tša peu, gore di be di nonne. Eupša o e dumetše, go le bjalo, le go gana e ka ba eng e bego e le kgahlanong le yona, le go bitša dilo tše di bego di se gona, mo o ka rego di be di le gona. Gobane, ka gare ga seširo, kholofelo ya Modimo e khutšitše godimo ga Lentšu la Modimo, le go bitša dilo tše, tša saense goba aowa, “Therešo, ka gobane Modimo o boletše bjalo.” Ke lena bao.

<sup>151</sup> Re a dumela. Ka tumelo re a e amogela. Eupša, ge ngwanešu, go sa ngangišane le yena, ga ke dumele go seo. Eupša ge ngwanešu feela a ka be a badile seo ka fao Paulo a kgatlilwego ka matlapa go iša lehung, gomme bakgethwa ba eme godimo

ga gagwe le go rapela go fihla bophelo bo etla morago ka go yena. Kafao Paulo a rerilego bošego bjhohle, bošego bjo bongwe, gomme monna o wele go tšwa lebatong la godingwana gomme a ipolaya yenamong, lesogana; gomme Paulo o beile mmele wa gagwe godimo ga gagwe, gomme Moya wa bophelo wa bowa morago ka go yena gape. Ka fao Eliya a tsošitšego lesea la mosadi ka morago ga ge le hwile, ebile le mengwaga ye makgolo seswai pele ga go Tla ga Kriste. Banna, ebile ntle le tšhegofatšo ya Moya wo Mokgethwa, ba dirile mehlolo yeo baisa ba ba boifago go e hlasela ka Moya wo Mokgethwa. Nna, nna! Go šokiša bjang!

<sup>152</sup> Gobaneng? Ke ka gobane ba na le swele, gomme ba hloile baena ba bona, ntle le lebaka; feela bjalo ka ge Josefa a hloilwe, ntle le lebaka. Le a e bona? O be a hloilwe. E sego ka gobane o be a ne maswanedi go hloiwia; gobane, ntle le lebaka. Ba be ba sa mo dumele. O be a phela sekgaong sa go fapana.

<sup>153</sup> Gomme ke bolela se, bjale, ge nako ya rena e eba ye kopana. Ke bolela se ka therešo yohle ya pelo. Ba hloile Kereke, lehono, ye e nago le tša kagodimogatlhago. Ke mona. Ke mona wa lefeela, gomme o phela magareng ga batho.

<sup>154</sup> Barutiwa ba bile le yona. Ba be ba lewa ke dihlong kudu ka bonabeng! Gobane, matšatši a lesome pele, Modimo o ba file maatla go fodiša balwetši, le go lelekela bodiabolo ntle, le go tsoša bahu. Gomme ba bile le mošemane wa go wa dihwahwa pele ga bona, gomme ba paletšwe. Gomme Jesu, ge A etla fase go tšwa thabeng, gomme a fodiša mošemane. Gomme ba Mmotšiša, “Gobaneng re sa kgone?” Ga se A re, “Ke—Ke tšere Maatla a ka morago.” O rile, “Ke le fa Maatla.” Ke le laetša mo A A filego Kereke, eupša le ka se kgone go ntaetša mo A kilego A a tšeela morago. Le a bona? Jesu o khutšiša Mantšu a Gagwe a go hlomphega godimo ga eng? “Ka baka la gosedumele ga lena.”

<sup>155</sup> Gomme ka gona, matšatši a se makae moragwana, ba hweditše monna yo a bego a se sekgaong sa bona sa bodumedi. O be a kwele Jesu a bitša dilo tše, gomme o be a dira mošomo go dirwa. O be a lelekela bodiabolo ntle. Gomme Petro le Johane ba tla go mmotša o be a swanetše go ba wa sehlopha sa bona goba o be a ka se kgone go dira se. “O tla swanelo go re lateila le go kgokagana le rena. Ke rena kereke, gomme o swanetše go e dira!” O ba dirile ba tsebe go šetša taba ya bona beng. O be a etla mmogo gabotse ntle le go tšoena mokgatlo wa bona.

<sup>156</sup> Ka fao, go swana le tše nnyane, dipako tša bosetsana, bjalo ka ge re na le tšona lehono; tše nnyane, tša baswa, dikgopoloo tša bana, ba kitimela morago gomme ba re, “Re mo hweditše, gomme o be a lelekela bodiabolo ntle.” Gomme e be e le eng? Ba be ba ne lehuфа gobane o be a dira se ba bego ba ka se se dire. Ba bile ba senama. Mahlo a bona, a kwešišo ya bona, a be a le boka baena ba Josefa, ba be ba sešo ba bonegetšwa, kafao ba bowa morago gomme ba mo kgeregetše, gomme ba boditše Jesu.

<sup>157</sup> Gomme Jesu o rile, "Mo tlogeleng a nnoši." Amene. "O dira modiro wo mobotse. O dira se Ke le laetšego go se dira, gomme le šitwa go se dira." "Modimo o kgona ka matlapa a go tsošetša Abraham bana."

<sup>158</sup> Kafao bjale, barategi Methodist le Baptist le baena ba Presbyterian, gobane gore le nagana e swanetše go tla ka kereke ya lena, Modimo o kgona ka bapshikologibakgethwa go tsošetša Abraham matlapa. Yeo ke nnete. O tla ba le yo mongwe yo a yago go dira mošomo wa Gagwe. Yeo ke nnete. Ka go palelwa le mabošaedi a bona ohle le ekabaenggape, ba a dira, Israele e dirile selo sa go swana bjalo, eupša Peu yela ya go loka e sepelela pele.

<sup>159</sup> Ke thabile bjang ke kgona go re ke nna yo mongwe wa bona. Ka mogau wa Modimo, lehono, re yo mongwe wa bale. Ke e thabetše kudu, a ga le? Pelo ya ka e a hlahala, mo mathomong a ngwaga wo moswa wo, go tseba gore Modimo, ka mogau wa Gagwe wa go makatša, o akareditše leina la ka ka go Puku ya Bophelo, go mpha kwesišo gore ke amanywa magareng ga batho ba Gagwe ba ba lego balahlwa. Gomme, le barutiwa, nka no bolela se, ke e bala go ba monyetla go rwala kgobogo ya Leina la Gagwe. Ee, mohlomphegi. Ke thabile kudu gore ke yo mongwe wa bona.

<sup>160</sup> Gomme bjale re thoma fa le Josefa, go tirelo ya go latela, ye e ka bago bošegong bjo goba Mošupologo bošego, bjo bongwe, gobane nako ya rena e fedile.

<sup>161</sup> Eupša, ke a Mo rata. A ga le Mo rate? O a makatša. Gomme ke thabile kudu lehono gore ke kgona go tšoena diatla le molokoloko wo motelele wola wa go nyatšega le go ganwa, le go hloiwā ke mmoledi tlase go kgabola naga. Šeba bona. Bona ba fasefase. Yeo ke nnete. Kereke, go bolela ka lefase, tša thuto, le go bolela ka leago, ba ka godimo go bona. Gomme re thakgetše go kokobela. Gobane, bao ba tla ikokobetšago bonabeng, Modimo letšatši le lengwe o tla tla lekga la bobedi, ka Letagong, go phagamiša Kereke ya Gagwe. Go fihla nako yeo, "A re hlabaneleng ka tiišetšo Tumelo yeo e kilego ya fiwa bakgethwa."

### A re rape leng.

<sup>162</sup> Bjale ka dihlogo tša rena di inamišitšwe, ke no makala ge eba go tla ba yo motee mosong wo, goba ba bantši, ke a holofela, bao ba sego ba ke ba amogela Kriste yo le bjale, le ditšhegofatšo tše kgolo tša Gagwe le maatla a magolo a Gagwe. Gomme re a makala, lehono, ge o ka dira kgetho ya gago lehono, gomme wa re, "Morena Jesu, ke nna. Gomme ke hlologela go ba mohlanka wa Gago, ka pelo ya ka yohle, go tšeа tsela le banyatšiwa ba se bakae ba Morena. Ke a bona bjale, Morena, ga se se lefase le bolelago ka sona; ke se Beibele ya Gago e bolelago ka sona. Ga se se lefase le mpitšago. Ba ntlhoile, bjalo ka ge ba dirile Josefa. Ba ntlhoile, bjalo ka ge ba dirile Abele. Ba ntlhoile, bjalo ka

ge ba dirile Johane. Ba ntlhoile, bjalo ka ge ba dirile Daniele. Ba ntlhoile, bjalo ka ge ba dirile Hesekiele, bjalo ka Sakaria. Ba ntlhoile, bjalo ka ge ba dirile Jesu. Ba ntlhoile, bjalo ka ge ba dirile baapostola le bale ba ba Go latetšego, ntle le lebaka. Morena, ke a ba rapediša.”

<sup>163</sup> A o kile wa amogela boitemogelo bja go swana le bjoo, gore o tšwetše ntle? “Gomme re boprista bja segoši, setšhaba se sekgethwa, re neela dihlabelo tša semoya go Modimo; ke gore, dikenywa tša dipounama tša rena, go Mo fa tumišo.” A o ka kgona go ema ka bogareng bja lefase le le tshwentšwego? A o ka kgona go ema pele ga mong wa gago? A o ka kgona go ema ka boikokobetšo ka pelong ya gago, ka lerato ka pelong ya gago, go badiradibe ba lefase le, le Bophelo bja Kriste ka go wena, le go fa bopaki le tumišo go letago la Modimo? Ge o se ne boitemogelo bjoo, gabaneng o sa thome lefase, bophelo, se sengwe le se sengwe ka boswa, lehono, ka go phagamišetša seatla sa gago go Yena, le go re, “Nna bjale, Morena, ke amogela seo, gomme ke nyaka O mphe kolobetšo ya Moya.”

<sup>164</sup> Bjale, Tate wa rena wa Magodimong, Kereke ye nnyane mosong wo e eme, re a tseba, e thuntšwe, lenaba le mo gateletše, go thunya mesebe ya lona. Gomme re rapediša disoulo tša bona tša sebe, Morena. Ga ba tsebe gore ba foufaditšwe ke modimo wa lefase le.

<sup>165</sup> Kereke, ka kakaretšo, gohle lefaseng lehono; lenaba, batho ba bodumedi, le ba thuntše ka mosebe wo mongwe le wo mongwe. Eupša go e na le yeo yohle, tsošeletšo ye kgolo e ya pele. Dikete tša ba go kokobela, ba go diila, bana ba go hlokomologwa ba thetšitšwe ka go mafelo a, gomme ba bone seatla sa Gago sa mohlolo, ba tladiršwe ka Moya wo Mokgethwa. Gomme ga ba sa le ba lefase le. Ke baeti le basetsebje. Ga ba tshwenyege ka lefase, eupša ba nyaka Toropokgolo ye e tlago, yeo Moagi le Modiri e lego Modimo. Ba bone maatla a Gago a phodišo, go fodiša balwetši, maswao a Gago le dimaka go dirwa magareng ga batho ba Gago. Dilo tše kgolo di a hlepha, go sa kgathale mafelo moo ba e ahlolago le go leka go e swara fase. Bahlanka ba Gago ba sepelela thwi ka gare le go hloma tsošeletšo, gomme ba swielela ba go kokobela ka Mmušong wa Modimo.

<sup>166</sup> Ka magareng ga rena mosong wo, re ne monyetla go ba le baromiwa ba ba yago ka dinageng tše dingwe.

<sup>167</sup> Yo motee, o tloga go ya ka Israele. O Modimo, šeo yona. Tšhollela ntle Moya wa Gago, le yena, Morena. Gomme a nke dilo tše kgolo di phethagatšwe, gomme di dire Bajuda bale ba go šokiša ba go phapharega go tla morago. A nke ba amogele Moya wo Mokgethwa, bjalo ka ge botatabo ba dirile mathomong.

<sup>168</sup> Ngwanešu šo o ya ntle ka Cuba, ntle ka dihlakahlakeng. O rile, “Go ya dikarolong tša kgolekgole tša lefase.”

<sup>169</sup> Se sengwe se goga, se kgwatha pelong ya baena ba. Ba tlogela magae a bona, baratwa ba bona, ba sa hlokomele maipshino le dinako tše botse tša lefase le, eupša go ya ntle ka go dinaga tša boopa mošola; ka tlase ga moganetši, go leka go emiša mošomo. Eupša go no swana le poo ye e tlišitšego karikana morago, le melao godimo ga yona, le areka ya kgwerano. Ba tlogetše ba bannyane ba bona, go kgakgamolla, gomme ba ile go theoga tsela, ba theoša, ba opela, ba eya go theogela Leswikeng.

Re leboga Wena bakeng sa modiredi yo mongwe le yo mongwe.

<sup>170</sup> Re bona go dutše morago ka phuthegong ya rena, Ngwanešu John, mosong wo, gape, go tšwa Jeremane. Ka fao a godišitšwego godimo, a diila. A goga karikana ye nnyane go kgabaganya setšhaba, a rera Ebangedi. Ke a Go leboga bakeng sa gagwe!

<sup>171</sup> Gomme masogana a, le badiredi ba bangwe ba ba dutšego kgauswi, le maloko ohle. Ge ke kgopetše, Tate, go dumeleng gore ka tlase ga nako boka ye, gore ge monna goba mosadi a se ne Kriste ka pelong ya bona, ba ka be ba emišitše seatla sa bona, ka kgonthe, go boneng netefatšo yohle ya Ebangedi, gore O a swana gomme Kereke ya Gago e a swana.

<sup>172</sup> Ke a Go leboga bakeng sa yo mongwe le yo mongwe. Ke a rapela gore O tla ba šegofatša. Gomme wa fodiša mebele ya bona ge ba babja, gomme efa go bona ditlhologelo tša pelo tša bona. Efa se, Tate, re kgopela ka Leina la Jesu.

<sup>173</sup> Gomme ka dihlogo tša rena di inamišitšwe, a re nong go akanya dinakwana di se kae. Nno bang thapel long, ka boleta.

Wa mathomo go hwela polane ye ya Moya wo  
Mokgethwa,  
E be e le Johane Mokolobetši, eupša o hwile  
boka motho;  
Morago go tlide Morena Jesu, ba Mmapotše,  
O rerile gore Moya o tla phološa batho go tšwa  
sebeng.

Morago ba teile Stefano ka maswika, o rerile  
kgahlanong le sebe,  
Bona, ba befetswe kudu, ba phobeditše hlogo  
ya gagwe ka gare;  
Eupša o hwile ka Moya, o neetše moyo,  
Le go ya go tšoena ba bangwe, moyo wola wa  
go fa bophelo.

Go bile Petro le Paulo, le Johane yo  
mokgethwa,  
Ba gafile maphelo a bona gore Ebangedi ye e  
kgone go phadima;

Ba tswakantše madi a bona, boka baprofeta ba kgale, (Yeo e sa le Peu, e hlomerwe.)

Gore Lentšu la Modimo la therešo le kgone go bolelwa ka potego.

Go bile le disoulo ka tlase ga aletara, di goelela, “Botelele gakaakang?”

Gore Morena a otle bale ba dirilego phošo; Eupša go ya go ba ba bantši ba tla neelago madi a bophelo bja bona

Bakeng sa Ebangedi ye ya Moya wo Mokgethwa le lefula la yona le lehubedu.

E tšwelapele go rotha madi, ee, e rotha madi, Ebangedi ye ya Moya wo Mokgethwa e rotha madi,

Madi a barutiwa ba ba hwetšego Therešo, Ebangedi ye ya Moya wo Mokgethwa e rotha madi.

<sup>174</sup> [Ngwanešu Branham o hama *E Rotha Madi*—Mor.]

<sup>175</sup> O Modimo! Esla, Morena Jesu! Re kgoloke bjale ge re sa kokobetše pele ga Gago. Tloša diphapano tšohle go tloga maphelong a renā, go tšwa dipelong tša renā, ge bo-bo bobose bja Moya bo bonala go ba le mahlo dirwa mmala. Modimo o tše Lentšu la Gagwe bjale gomme a Le nošetša. Re thabile kudu gore O re akreditše, Tate, go ba ba barwadi ba Ebangedi.

<sup>176</sup> Re rapelela tlhoko ye nngwe le ye nngwe ya kerekke. Re rapelela modiša moratwa wa renā, O Modimo; mohlanka wa go botega, ga a ke a lape, ka mehla o loketše go ya. Bolela le pelo ya gagwe, lehono, gomme a nke a tsebe gore go na le moputso wo mogolo o letile fale bakeng sa badiša bale ba go botega ge ba kgobokana mošola ka lehlakoreng le lengwe le balopolwa bohle.

<sup>177</sup> Šegofatša badiša ba bangwe, le baromiwa, le maloko a Mmele wa Kriste, mogohle. Re lebalele mafokodi a renā, Morena.

<sup>178</sup> Gomme bjale ge go na le tlhoko ka dipelong tša renā, Morena, a O ka se ke, ge O sa le gona, wa re šegofatše? Ge go na le bolwetši magareng ga renā, Morena, yo mongwe a ka no, yo a ttilego ka kerekeng ye nnyane lehono, gomme ba lebelela ka kua gomme ba bona Khalibari, ba bona fao Peu ya nnete. Moo Sathane a nagannego o be a ka kgona go E fediša ka lehu, eupša Modimo o E tsošitše gape. Go no se kgone go e dira! Modimo o dirile tshepišo, gomme Modimo o dula le tshepišo ya Gagwe. Gomme tshepišo ye nngwe le ye nngwe ke therešo. O re tshepišitše Bophelo bjo Bosafelego, gomme re ne Bjona. Re a Bo kwa. Go ne Sengwe ka go renā, se sepela, seo re sa kgonego go se hlalosa. O Modimo! Ka gare ga bothata, re ikwela Sengwe se swere morago kua, “E no dula tuu.” Madimo a ka no betha Peu, sekepe se ka no šikinya seketswana sa renā se sennyane. O tla dira tsela godimo, ka tlase,

go dikologa, goba go e kgabola, tsela ye nngwe. Kafao, re robetše thwi kgahlanong le Lentšu, Morena.

<sup>179</sup> Ke a rapela bjale gore ge yo mongwe a babja ka kopanong, gore Moya wo, woo o lego ka moagong gonabjale, o sepelele fase ka go lerato le legolo, o re, “Ngwana wa Ka, yo ke Nna. Ke nna Tate Yo a go hlotšego. Ke bile Yena Yo a tlišitšego di—di dielemente go tšwa lefaseng, tše di go bopilego se o lego sona. Sathane o leka go tsena ka gare go mošomo wa Ka. Tšea tshepišo ya Ka, ngwana.”

<sup>180</sup> Gomme thapelo ye ya tumelo ke a e neela, ke dumela gore O mo. A nke diatla tša Gago, Morena, di otloogege pele go pelo ye nngwe le ye nngwe, gomme bolwetši bo tlogue go batho. Ke kgalemela diabolo; diabolo wa kgatelelo, diabolo wa poifo, diabolo wa bolwetši bja mehuta ka moka. Wena o rile, “Leineng la Ka ba tla lelekela bodiabolo ntle.” Ka kopanong ya kereke ye, le Moya wo mosong wo, re lahla kgole bobe bjo bongwe le bjo bongwe go tloga go batho; gore re tloga mo, re hlwekile, ka Sehlabelo sa Morena Jesu, bjalo ka ge ka go kokobela re Se amogela.

<sup>181</sup> Re šegofatše ka go mediro ya kgojana. Re šegofatše ka go e ka ba eng re e dirago. Eya le badiredi le baebangedi le baromiwa, go mafelo a bona, Morena. Efa letšatši le lengwe gore re tla kopana ma—ma maotong a Gago. Gona re tla Bea diala tša rena fase. Modimo, e tla ba ba mehuta yohle. Go tla ba monna yo mošweu, monna yo mokheri, monna yo moso. Bohle mmogo, re tla re, “Morena, bona šeba.” A letšatši la tlhalalo le tla bago! A re šomeng ge e sa le mosegare, ka gore bošego bo a tla ge go se motho a ka šomago. Re kgopela ditšhegofatšo tše ka go le—le Leina la go ratega la Morwa wa Modimo, Jesu Kriste. Amene.

Dilo tšohle di a kgonega, dumela feela;  
Dumela feela, feela . . . (Ke eng?)  
Dilo tšohle di a kgonega, feela . . .

<sup>182</sup> Ke ba bakae ba bilego le tlhoko, gomme ba kgonnego go dumela gonabjale? O tla phagamiša seatla sa gago, wa re, “Bjale ke a amogela.”

Bjale ke a amogela, bjale ke a amogela,  
Dilo tšohle di a kgonega, bjale ke a amogela;  
Bjale ke a amogela, bjale ke a amogela,  
Dilo tšohle di a kgonega, bjale ke a amogela.

<sup>183</sup> Bjale a re nong go inamiša dihlogo tša rena nakwana feela bjale. Nno tšwelapele, kgaetšedi, go piano, ge o rata. O a Mo amogela?

<sup>184</sup> O re, “Ngwanešu Branham, ke be ke babja nakwana. Go bile le se sengwe se bonagetše eke ke no se kgone go fenya. Ke rapeletšwe, ke batho ka batho.”

<sup>185</sup> Seo ke se sebotse, ngwanešu, kgaetšedi, eupša a o kile wa nagana gore ke eng? Ke tshepišo yela ye nnyane yeo o e filwego. “Dilo tšohle di a kgonega go yena yoo a dumelago.”

<sup>186</sup> A o ka se lahlele seo thwi ka Khalibari mosong wo? E no swara bofelo bja yona mo, Moya wo o go fago yona. E lahlele thwi ka Khalibari, gomme o re, “Sekgwaparetši sa ka se swere fale. Bjale ke a amogela, gonabjale. Go fedile, gonabjale. Ga go kgathale se se diregago, gonabjale sekgwaparetši sa ka se swere ka gare ga seširo, gomme ke amogela feela se ke se kgopelago. Ke a tseba ke na le sona. Lentšu la Modimo le boletše bjalo. Gomme, Modimo, ke lebeletše go Wena bjale.” Mohlomongwe o bile le matshwenyego, mathata a tša ditšelete, e ka ba eng e lego. Ga go kgathale se e lego, se lahlele thwi mošola kgahlanong le Khalibari.

Ka gore dilo tšohle—dilo tšohle di a kgonega,  
dumela feela.

<sup>187</sup> Go no e dira e nwelela ka gare, ka kgonthe ga bose. A ga go makatše? Ye ke nako ya ka ya tirelo. Lentšu le bjetšwe, le a bona, bjale Modimo o a Le nošetša. A ga o no ikwela yela tap- . . . yela ya go fodiša, go lapolosa go tšwa Bogoneng bja Modimo, go no theoga, go Le nošetša, o re, “Bjale, fa, ngwana, ke—ke tla le Lentšu la Ka. Ke hlompha Lentšu la Ka. Ke šetša godimo ga Lona, mosegare le bošego, gomme ke a Le nošetša bjale ka pelong ya gago. A o ka se kgone go no Ntšea le go Ntumela?”

Ka gore dilo tšohle (Eng?) di a kgonega, dumela  
feela.

<sup>188</sup> Nna! Go makatša bjang! Go makatša bjang, go no nwelela ka gare, go ikwela meetse a etla fase godimo ga Dipeu! Ke eng? Peu ya toko, E bjetšwe ka pelong ya gago. Ke Lentšu la Modimo. Yeo ke Peu. Woo ke Moya wo Mokgethwa. Peu yeo Modimo a e tshepišitšego mo mathomong. Wena o Peu ya Abraham, ka go beng go hwa ka go Kriste, le go tšea Peu ya Abraham gomme le bajabohwa go ya ka tshepišo. Moya wo Mokgethwa o tšwa go Peu ya Abraham, wo o le dirago barwa le barwedi ba Modimo.

<sup>189</sup> Bjale, woo ke Moya wo Mokgethwa o nošetša tshepišo yela yeo o e tšerego nakwana ya go feta, bakeng sa phodišo ya gago, bakeng sa phološo ya gago, bakeng sa mosepelo wo mokaonana, bakeng sa poifo go go tlogela, bakeng sa e ka ba eng o e hlakago; bakeng sa leeto tlase go dihlakahlaka, bakeng sa leeto lela mošola go ya go nagalegae ya Israele; go kereke ya gago, go lefelo la gago, kae kapa kae e lego, go legae la gago. Woo ke Moya wo Mokgethwa o re, “Yoo ke Nna. Ke na le lena. Eya pele. Ke hlahlatsela. Wena, o no tšwelapele o sepela. Yoo ke Nna.”

Go na le Todi ka Leswikeng bakeng sa gago;  
Tlogela sebe sa gago bakeng sa Madi go se  
khupetša,  
Go na le Todi ka Leswikeng bakeng sa gago.

A re tla ema.

Oo, eya ntle mekgotheng le mmileng,  
Rera Lentšu . . . (O ne e ka ba eng o nyakago go  
e bolela?)

Bolela go ngwanešu yo mongwe le yo mongwe  
a welego,  
Go na le Todi ka Leswikeng bakeng sa gago.

Oo, go na le Todi ka Leswikeng, ngwanešu.  
Go na le Todi ka Leswikeng bakeng sa gago;  
Tlogela dibe tša gago bakeng sa Madi go di  
khupetša,  
Go na le Todi ka Leswikeng bakeng sa gago.

<sup>190</sup> Bjale, lebelelang, ga ke nyake le tloge le bjale. Ke nyaka o bone yo mongwe a eme kgauswi le wena, šišinya seatla sa gago, e re, “Modimo a go šegofatše, ngwanešu,” goba kgaetšedi, mang kapa mang e lego yena. E no retologa thwi go dikologa. Ye ke tabarenekele ye nnyane ya mohlakanelwa wa dikerekemaina. Re no ba mo leetong la rena, batho ba moswananoši. Go lokile.

Tšea Leina la Jesu le wena,  
Ngwana wa mahloko le madimabe;  
Le tla go fa thabo le khomotšo,  
Le tsee gohle mo o yago.

Leina le bohlokwa, (Leina le bohlokwa!) O  
bose bjang! (O bose bjang!)  
Kholofelo ya lefase le thabo ya Legodimo;  
Leina le bohlokwa, O bose bjang!  
Kholofelo ya lefase le thabo ya Legodimo.

Bjale yo mongwe le yo mongwe lebelela ka tsela ye bjale.

Mo—mo Leineng la Jesu go a inangwa,  
Go wa go ikala maotong a Gagwe,  
Kgoši ya dikgoši Legodimong re tla Mo rweša  
korone,  
Ge leeto la rena le fedile.

Leina le bohlokwa, (Leina le bohlokwa!) O  
bose bjang! (O bose bjang!)  
Kholofelo ya lefase le thabo ya Legodimo;  
Leina le bohlokwa, (Leina le bohlokwa!) O  
bose bjang!  
Kholofelo ya lefase le thabo . . . ( . . . ? . . . )

<sup>191</sup> Bjale ge re inamiša dihlogo tša rena go Morena Jesu. E bile mogobo wo mogolo, mokete wo mogolo, mokete wa pentecostal go Lentšu le dilo tša Modimo, go Moya wo Mokgethwa wa Gagwe. Re nyaka go rapela ditšegofatše tša Modimo godimo ga baena ba rena ba boromiwa ba ba yago ka tšhemong bjale, gomme Modimo o ba kitimiša thwi go otlologa. Re go fa tshepišo; re tla be re go rapelela, ngwanešu, le kgaetšedi. Basadibagatša

ba bona, baratwa ba bona, naganang se bona basadi ba yago go kgabola ka sona. Ke a tseba, ka mosadimogatša wa ka mong.

<sup>192</sup> Go badiša fa, Ngwanešu Jackson, gomme—gomme ke a thanka Ngwanešu Beeler o morago fale, le ba bangwe ba bantši ba badiša. Teddy morago fa, modiredi yo moswa. Ba bangwe ba bantši ba ba lego mo, re no rapela ditšhegofatšo tša Modimo. Ngwanešu yo moswa fa, go tšwa tlase ka kerekeng ya Modimo, yoo re swanetšego go mmona morago ga sekgaleta se. Re rapela ditšhegofatšo godimo ga gagwe, moebangedi, ke a dumela ke yona. A ga se yona, ngwanešu? Leina la gago o mang? [Ngwanešu o re, “Morgan.”—Mor.] Ngwanešu Morg- . . . [“Morgan.”] Morgan, Ngwanešu Morgan. Go no thaba kudu go ba le bona bohole mo!

<sup>193</sup> Gomme, bjale, ge re inamiša dihlogo tša rena bjale go Yena, le go lebelela. Go na le ngwanešu yo monnyane wa go kokobel a emego ka morago ga moago. O goga karikana ye nnyane, ke a kwešiša, go kgabaganya setšhaba. Bontši bja bona ba mo tseba bjalo ka “Mopropeta Johane.” Re mmitša “Ngwanešu John,” tikologong fa. Ka mehla ke bile le tlhompho go monna. Eupša, letšatši le lengwe ke be ke le godimo ke etetše bangwe ba bagwera ba ka, yoo ke ngwanešu . . . Kgaetšedi Jimmy O’Neal, godimo ka Sellersburg. Yoo ke mokgonyana wa Ngwanešu le Kgaetšedi Green. Ba gona mosong wo. Gomme Ngwanešu John o be a le ka legaeng la bona, gomme ba mpoditše ka fao mokgomana wa kgonthe wa Mokriste a bego a le. Gomme ba mphile bophelo bja gagwe, bja seo a bego a ba boditše, le ka fao a tlidego godimo go kgabola meleko ye methata. Gomme o bile le tsela ye thata. Gomme re ya go mo kgopela, mosong wo, ge a ka phatlalatša phuthego ye, le go kgopela tšhegofatšo ya gagwe go tšwa go Modimo, godimo ga phuthego ye. A o ka re direla seo, Ngwanešu Johnny? Ge bohole le inamiša dihlogo tša rena. Gomme, Ngwanešu John, ge o ka re phatlalatša ka thapelo.



*JOSEFA A KOPANA LE BANABABO* NST56-1230  
(Joseph Meeting His Brethren)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Desemere 30, 1956, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)